

Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.1



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.1




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.1





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.1





2. b. 1






XVII 217

COCCE

3. 2. 2.



2.6.1
HENRICI COCCEJI
U. J. D. & P. P.

COLLATIONES
JURIDICÆ,

Ad
VIRUM AMPLISSIMUM
ET CONSULTISSIMUM

DN. GEORGIUM ADAMUM
STRUVIUM,

Vff Bhlstedt & Benigen Zehna / JCtum, Consilia-
rium Saxonicum intimum, & Facultatis Juridicæ Jenensis
Præsidem Ordinarium.

Quibus

Tota culparum materia à prima origine
paucissimis luculenter deducitur, defectus, qui in
ea hætenus extitit, curatè suppletur, &, quæ in Decisioni-
bus Sabbathinis contra eam opponuntur,
solide refutantur.



HEIDELBERGÆ,
Impensis JOHANNIS PETRI ZUBRODT,
Lithoris SAMVELIS AMMONII ACAD. Typogr. ANNO M DC LXXVII.



P R Æ F A T I O

Ad

VIRUM AMPLISSIMUM,
DOMINUM

GEORG. ADAMUM
STRUVIUM,
IUNCTUM CELEBERRIMUM.



I eadem nobis esset in rebus alienis exami-
nandis fides, quæ in nostris defendendis in-
dustria, tantundem nostra literarum monu-
menta aliis essent utilitati, quantum nobis
labori; & tamen hic labor non magis utili-
tate sua careret, quàm ipsa, quæ in alios in-
de redundaret, utilitas: eandem enim veritatem eodem la-
bore & ipsi disceremus & aliis traderemus. Nunc ita ferè
comparatum videmus, ut omnis contentio non tam pro ve-
ritate instituat, doctrinæ quàm pro doctrinæ fama & glo-
ria: & nec hujus tamen precium rite subducitur, quippe quæ
non vero rationum pondere æstimatur, sed errandi & erroris
defendendi contumaciâ. Absit, Vir amplissime, huic Te
suspicioni involvi, tantumq; detrahi meæ, quæ in Te Tuiq;
similes Juris antistites feror, venerationi; quanquam, num
eam in meis evolvendis curam adhibueris, quæ & candori

A

Tuo

Tuo debita est & Tibi solita, eorum esto iudicium, qui illud cum peritia non minus quam cum candore conjungunt. De me verò illud Tibi persuasum habeas identidem velim, non esse animi mei, laceessere Viros tot laboribus feliciter functos, præcipuosque apud Principes & in Academiis honores tanta cum nominis sui celebritate meritos. Tantum alienus sum à tali pruritu, quantum hic à candore & humanitate. Cum beneficio *Serenissimi Principis Electoris Palatini, Domini mei Clementissimi*, huc vocarer, prima ferè mihi cura fuit, ut studiosam legum juventutem disputationibus exercerem. Incidi in hanc primam: ubi, cum occurrerent quæstiones controversæ, in quibus dissentientium aliquis allegari solet, & verò Syntagma Tuum omnium manibus tereretur, eum, quem ibi inveniebam, allegavi dissensum, parum sollicitus, quis ejus esset autor, & nec refutatis quidem quæ pro sententia Tua allegaveras: paucis sanè exceptis, quæ, cum & meæ & communi sententiæ adversarentur, ne remaneret collisio rationum, refutanda fuerunt. Postquam igitur in *decisionibus Tuis sabbathinis*, proximis his Nundinis editis, vicem reddidisti, gratulor mihi, hanc me nactam esse Tecum conferendi occasionem, etsi ægrè tempus aliis negotiis destinatum & satis occupatum hujusmodi velitationibus impendere me fatear. Et sanè, esset mihi hæc ipsa collatio omnium maximè molesta, nisi, quòd Tecum fiat, esset omnium maximè grata. Memores igitur, pro sola veritate nobis certamen esse, cui lubens, si convictus essem, assurgerem, omnesque iræ ac odii causas tam à nobis procul esse debere, quàm disputatio hæc à vindictæ aut famæ studio, utpote quæ omnis pro veritate indaganda suscipitur, jam Vir amplissime, ad conferendum descendamus.

COL-

32(3)2

COLLATIO I.

Ad cap. decis. Sabbath. 7.

§. 1. Vix ullibi in me iniquior es, per omnem tractatus tui feriem, quam illa ejus parte, quâ meam sententiam aggredi incipis: *nim. cap. 5. Decis. Sabbath. 7.* Toties in brevi hoc spatio mihi dicam scribis, quoties lineam. Verum illa, quibus Gentium Juris studium ac Professionem videris clanculum trina repetitione insectari, securè ac pœnitus despicio, facileque contemni me patior ea studiorum parte, quæ cum maximis Europæ Viris mihi communis est. In cæteris tria imputas, temeritatem conatus deducendi hanc materiam ex certis principiis; errores; & dissensum à legibus Romanis, quod ultimum imprimis calumniosissimum est: his tamen omnibus, antequam ad collationem secretiorem cœamus, satisfaciam. Atque propter institutum mihi tractandi ordinem retrorsum agam, & ab ultima imputatione incipiam.

§. 2. Dicis: *Satius esse legibus Romanis ex ipsa æquitate naturali ab acutissimis JCrus deductis insistere, quàm vagis ejusmodi opinionibus in vasto quasi Oceano fluctuare &c.* Sed qua fronte hæc dicuntur? Ubi unquam prætermisso jure Romano vel solo conatu aliud quid finxi? Quisquis hoc dixerit, calumniam dixerit. Explicare equidem volui hanc materiam ex Naturæ rationibus ac principiis, sed illis, quibus & jus Romanum innititur, non aliis; illis, inquam, ex quibus constare jus nostrum profitentur cum Impetator ipse, tum JCrus, utroque contendente, *collectum esse Jus nostrum civile ex præceptis Naturæ, Gentium & civilibus.* Ipsam rei evidentiam testor. Quicunque inspicere tractatum

dignabitur, omnes ejus assertiones, omnesque ferè periodos legibus probari, ubique ad leges provocari comperiet: in eo quippe totus ac unicè fui, ut veras materiæ hujus rationes & capita ex legibus eruerem. Quod ergo tandem est os vanissimi hujus commenti!

§. 3. Ais item: *Te strictim consideraturum, quibus erroribus hæc sententia scateat.* Sed jam in processu certissimè apparebit, utri errores scateant. Itaque jam comitem me Tibi in ista consideratione jungo. Suspectus enim tum ob propriæ causæ studium, tum hoc ipso es, quòd judicandi muneri Te ingeris; hoc enim non Tuum, sed candidi & periti lectoris est. Equidem non video causam, cur errores jactites, qui in omnibus his, quas vocas, vindiciis Tua potiùs defendis, quàm aliena impugnas; & ictibus potiùs Te subducere, quàm ferire laboras; paucis exceptis, imprimis circa initium, ubi unum aut alterum notamen nostrum aggrederis, sed quàm feliciter, brevi parebit.

§. 4. Denique scribis: *Me novæ sententiæ ex solidis tum Naturæ tum legum principiis demonstrationem temerario fortè ausu suscepisse.* Ego verò ostendam jam reipsa, nihil temerè hic susceptum, totamque materiam ex paucissimis ac simplicissimis principiis deductam, jam uno quasi intuitu conspiciendam exhibebo: recisis, quibus tunc ex voto & pro captu eorum, qui his simul studiis incumbabant, utendum fuit, Philosophiæ morales ambagibus: itaque proponam, ut à quovis recta & candida ratione utente tota hæc materia, satis aliàs involuta, non dicam cognosci, sed palpari possit. Non tamen singula jam prolixè probabo, sed ea ferè demonstratione vice hac contentus, quæ ex continua & concatenata principiorum serie atq; connexionem nascitur, quæque iis, qui recto judicio ac ratione utuntur, omnium maximè satisfacit, uberiores eousque reservabo, donec

donec præfractè quædam ex his negatum iri percepero.
Et brevis hæc delineatio omninò necessaria mihi videtur,
antequam ad refutationem reliquorum, quæ tradis, ac-
cingar.

COLLATIO II.

Ad d. decis. 7. cap. 5.

Hæc jam fundamenta ita accipe.

§. 1. In confesso est, rerum ac Naturæ ARBITRUM Delinquit
dedisse nobis quædam Voluntatis suæ præscripta atque præ- & pœnam
cepta, quibus parère tenemur, & nî pareamus pœnam meretur,
meremur, qualia iussu ac præcepta jam ante legem scriptam quisquis
fuisse, vel ex eo nobis apparet; quia antiquissimi Patres, contra le-
gēs facit,
Numinis cultores eo nomine laudantur, quòd isthæc po-
steris suis tradituri sint.

§. 2. Ut autem præcepta ista observari ita ab homi- Dummo-
nibus possent, necessum fuit, instrui eos duplici saltem po- do neces-
testate, tum intellectiva, seu intellectu, quo, quod præcipitur, saria fa-
cognoscere possent; tum voluntate, id est, tali facultate, cultate eas
qua actionibus suis imperare ac legem dicere possent, & sic intelligē-
eas dirigere ac moderari juxta hujus vel illius præcepti te- di & vo-
norem ac normam. lendi sit
instructus.

§. 3. Hæc utraque facultas cùm jam data sit nobis, nec Ergo &, li-
proinde quidquam, quod necessum est ad istam observatio- cet actu
nem, deficiat, jam sequitur, quòd, quoties aliquid contra non intel-
hæc præcepta fit, quod vi harum facultatum, si ritè adhi- ligat, si
bentur, præcaveri potuit, toties delinquant homines & pœ- modò pos-
nam mereantur; per §. 1. & 2. sit intel-
ligi.

§. 4. Non tantum ergo delinquant, quando intelli- Démon-
gunt contra iussa legum & malè se agere, atque ita ex pro- stratio,
posito

posito & animo delinquendi agunt, quod dicimus, *mali-
tiam ac dolum*; sed & quando non quidē intelligunt, se con-
tra iussa agere, id tamen vi naturali intellectus sui cogno-
sci potuit, si vires ejus ritē explicentur: quod *culpa* dicitur;
quia homini imputatur, quod facultate ad observanda prae-
cepta sibi concessa usus ritē non fuerit. Collectio hæc est:
*Qui sub pœna observare tenetur praecepta, is, si non observat,
delinquit, & pœnam meretur: pœna enim conditio hæc est, si
non servaverit praecepta. Homo tenetur sub pœna ad praecepta
Naturæ, (& per consequens etiam potestatum civilium) per §. 1.
dummodo instructus sit potentiis ad id necessariis, per §. 2. adeo-
que etsi actū eas non adhibeat, per §. 3. Homo igitur, necessa-
rius ad observandum potentiis instructus, si non observat, de-
linquit & pœnam meretur.*

Tenemur
ergo ad le-
vissimam
quoque
negligen-
tiam seu
culpam.

§. 5. Igitur ex rigore Naturæ homo ad omnem etiam
exactissimam, quæ ab humano intellectu ac ratione profi-
cisci potest, diligentiam tenetur in omnibus causis civili-
bus; & si vel levissimā culpā negligat ejus observationem,
inde tanquam ex vero delicto tenetur: quæ regula quo-
ad res alienas disertis quoque verbis refertur in l. 21. C. man-
dat. in qua vestigia rigoris naturalis adhuc apparent. *Vid.
in f. §. 8.*

Hunc ri-
gorem jus
civile tem-
perat rati-
one imbe-
cillitatis
humanæ,
& statuit
I. Ne exi-
gatur
maxima
diligen-
tia, quæ
in poten-
tiam intel-

§. 6. Verum jus civile, intuitu & favore humanæ im-
becillitatis, temperavit in suo foro hunc Naturæ rigorem
in eo, I. Quod circa culpam non attendit, quid intellectu
humano in se & ad hitis omnibus ejus viribus possit cogno-
sci ac prospici, sed quid pro præsentī corruptiore hominum
conditione possit; Neque exigit culpam ad summum fa-
cultatis intellectivæ gradū & prudentiam, quanta in ea esse
potest, maximam; sed ad, communem hominum mo-
dum; mediocrem scil. ac talem diligentiam, quam patresf.
qui
ligendi cadere potest; sed media, quæ in homines cadit in statu suo præsentī.

qui vulgò frugi ac diligentes habentur, solent adhibere: reliquum enim, quod communiter hominibus deesse videmus, intuitu humanæ infirmitatis potius naturæ quàm animi vitium videtur.

7. Hinc præ regula erit, quòd jure civili, (quoties ex natura negotii non est alia species diligentiae definita) regulariter intelligatur media, quæ scil. cadit in hominum naturam in præsentì ipsius statu, & pro conditione imbecillitatis humanæ; non summa illa, quæ ab intellectu humano in se spectato, omnibusque ejus viribus explicitis, proficisci potest. Et hæc regula in genere definita reperitur in l. 6. *Jur. ign. his verbis: Neque supina ignorantia ferenda, nec scrupulosa inquisitio exigenda.* Et porro: scientia ita æstimanda est, ut neque negligentia crassa expedita sit, neque delatoria curiositas exigatur. Item in l. 9. §. 2. eod. *his verbis: scientia neque negligentissimi, neque curiosissimi hominis accipienda; verum ejus, qui diligenter inquirendo rem notam habere possit.* Idem fere habetur in l. 2. §. ult. *Quis ord. in bon. & l. 10. Bon. poss.* Necnon in l. 32. *Depos.* ubi tanquam singulare in deposito refertur, quòd non requiratur diligentia, quam hominum natura desiderat.

§. 8. Ratio hæc & favor imbecillitatis humanæ evidenter cessat, adeoque exceptio est i. in iis, qui ultro suscipiunt vel artem, vel operam, vel negotium alterius, ubi in iis prudentia vel peritia requiritur; uti mandatarii l. 13. *C. mand. negotiorum gestores, l. 24. C. usur. §. 2. O. q. q. ex contr. opifices alique qui operas suas in re aliena locare solent. l. 9. §. pen. locat. &c.* In his enim prudentia vel peritia debet esse exactissima, quia rem alienam, utpote in qua nihil nobis est juris & arbitrii, nō possumus pro arbitrio suscipere, nisi simul recipiamus eam, quam requirit, diligentiam, nim.

Regulariter ergo & in genere jure civili præstatutur levis tantum culpa, seu media diligentia.

Exceptio- nes sunt, quoties ratio illa imbecillitatis cessat. Nim. i. si quis in se recepitur diligentiam, ex- maxi- mam.

exactissimam; adeoque vel alienis negotiis abstinendum, vel, si suscipiuntur, simul quoque suscipienda, quæ debetur illis, diligentia. Unde utroque jure temerarium & culpa esse dicitur, immiscere se rei alienæ, *l. 36. R. I. c. 19. eod. in 6.* utpote cujus gestio prudentiam requirit præsentis hominum conditione ferè majorem. Hinc omnis infirmitas, omnisque imperitia circa rem alienam annumeratur culpæ. *l. 9. §. pen. Locat. l. 132. R. I. §. 7. & seqq. leg. Aquil. l. 8. §. ult. eod.* in qua eadem, quam dedimus, ratio eleganter ita exprimitur: *Quia affectare nemo debet, in quo vel intelligit vel intelligere debet, infirmitatem suam alii periculosam fore.* Hinc is, qui tale negotium alterius suscipit, videtur profiteri & polliceri peritiam & artem; *per d. l. 9. §. pen. verb. quia ut artifex conduxit.* Ac proinde negligere beneficium imbecillitatis, eique renunciare, dum summam diligentiam recipit ac pollicetur; amittit autem beneficium, qui illud negligit. *l. ult. §. 12. C. jur. del. c. 28. Elect. l. 22. C. l. 31. ff. ad SC. Veb.* Unde patet cur regula illa naturalis: *Aliena negotia exacto officio geruntur, nec quicquam in eorum administratione neglectum ac declinatum culpa vacuum est,* quam dedimus *sup. §. 4. & 5.* referatur etiam in *l. 21. C. Mandat.* utpote in qua apparent adhuc vestigia rigoris naturalis, qui in mandato, de quo *in d. l. 21.* etiamnum obtinet.

Alia exempla,

§. 9. Eadem ratio est, si quis in negotio, ex cujus natura levior saltem culpa & media diligentia præstatur, simpliciter custodiam recipit vel tacitè vel expressè: tali enim pacto amplius quid in se recipit, quàm quod etiam sine pacto ex natura negotii beneficio imbecillitatis humanæ præstatur, adeoque & hic tali beneficio renunciat: alioquin enim pactum esset frustraneum. Tales sunt nautæ, caupones, stabularii, qui rem cujusque salvam fore recipiunt.

piunt *l.1. princ. jurid. l.3. §.1. Naut. caup.* item venditor,
qui custodiam expresse recipit. §.3. *vers. Quodsi fugerit.*
Emt. vend. l.35. §.4. contrah. emt. idem est in venditore,
quando traditioni ipsius dies adjectus est: tunc enim taci-
te videtur recipere custodiam usque ad eum diem, adeo-
que omnem custodiam præstat. *l.2. §.1. l.3. l.4. §.1. & 2.*
Per. rei vend. l.18. §.8. 9. l.38 pr. Damn. inf. l.36. Act.
emt.

§.10. Denique eadem ratio est, si quis cuicunque *Alia ei*
negotio se offerat, & si lata saltem culpa in eo præstetur: *empla.*
nam qui negotio se offert, ejus simpliciter capacem se pro-
fitetur, adeoque imbecillitatis beneficium prænitens respuit.
l.1. §.35. Depos.

In his omnibus igitur causis ratio imbecillitatis hu-
manæ ideo cessat, quia maxima diligentia recepta videtur,
ac proinde neglectum beneficium imbecillitati datum:
estque hæc exceptio prima.

§.11. (2) Altera exceptio (*conf. §.8.*) qua cessat ra- *2. Si ipsius*
tio imbecillitatis humanæ, est quando negotium solius ac- *solius cau-*
cipientis, id est, ejus causâ factum est, qui in re aliena da- *sâ contra-*
mnum dedit; dans autem merum officium præstitit; uti *bitur, ne*
in commodato. *l.17. §.3. Commod.* vel in casu quo hæres, *alteri me-*
legatarius aut fidei commissarius totum, quod relictum est, *ra sua offi-*
restituunt. *l.108. §.12. l.36. §. ult. legat.1.* Quid enim *ciositas sic*
iniquius, quam beneficium imbecillitatis humanæ con- *damnosa.*
cedi illi, cujus omnis est utilitas, in præjudicium alterius, qui
tantum officium præstare voluit. *l.2. §.10. & §.16. Ne*
quid in loc. publ. &c. Unde ratio hæc imbecillitatis hu-
manæ tollitur hic alia ratione fortiore. *Quod officium*
suum nemini debeat esse damnosum. l.7. Test. quemadm. ap. l.
61. §.5. Furt. item; Quod illi potius sua culpa damnosa esse de-
beat, cujus causâ contrahitur. d. l.61. §.5.

B

§.12 Ex

Hinc si i-
psius cau-
sa plane
nō cora-
bitur, nul-
lam & ne
levem qui-
dem cul-
pam præ-
stat.

§. 12. Ex hac autem duplici ratione fortiore sequi-
tur etiam, si è contrario solius dantis causâ contrahatur,
uti in deposito, adeoque accipiens merum officium præ-
stet, quod hic ne quidem levem, ac proinde nullam cul-
pam præstat, nisi quæ dolo continetur, ut nec opus quidem
hic sit beneficio imbecillitatis: nam hoc casu accipienti
quoque suum officium damnosum esse non debet *d. l. 61.*
§. 5. sed deponenti, cujus causâ contrahitur, da-
mnosum erit, quod non melius sibi prospexerit. *d. l. 61. §. 5.*
junct. l. 1. §. 5. O. A. Quod & accidit, quando quis alii simpli-
cem actum v. g. rem certam emendam mandat, quod pru-
dentiam non requirit, unde hic mandatarius itidem tantum
latam culpam præstat. *l. 8. §. ult. l. 10. pr. l. 29. pr. & §. 4.*
Mandat.

In nego-
tiis in
quibus
certa cul-
pa præsta-
tur, regu-
la est:
Per culpâ
intelligi-
tur id,
quod in eo
contractu
II. Ne illa,
quam exi-
git, culpa
pro vero
delicto ha-
beat, sed
pro eo, unde
damni
restitutio
competit.

§. 13. In his ergo negotiis, quibus certus culpæ gradus
definitus est, non obtinet regula tradita *supr. §. 7.* quod re-
gulariter culpa levis intelligatur & diligentia media; unde
& limitatio tunc adjecta fuit; sed hæc itatuenda hic est re-
gula; Quod semper ac perpetuò per culpam ea intelligatur,
quæ in quovis negotio præstat, quatenus enim præstat,
non est culpa sed casus: & per diligentiam exactam
illa, quæ in quovis contractu exigitur: & hoc latissimè de-
monstravimus *Disp. 1. Prop. 12. & 13. item Disp. 2. §. 12.*
præstat: & per diligentiam exactam, quæ in eo exigitur.

§. 14. II. Deinde, (*conf. sup. §. 6.*) in eo quoque jus ci-
vile attemperat hunc rigorem ad conditionem humanæ im-
becillitatis, quod ne has ipsas quidem culpæ species,
quas admittit, pro vero delicto habet, hætenus ut inde ve-
luti ex delicto, obligetur ad pœnam, sed solam damni, quod
alter passus est, restitutionem, *per text. expr. in l. 108. Reg.*
Jur. l. 3. §. 21. 22. Ad Silan. Hinc perpetua regula; *Delictum*
tale sine dolo malo, id est, animo delinquendi non comitti. l. 1. C.
si adv.

fi. ad v. del. l. 1. §. 3. in fin. l. 12. l. 14. sicar. l. pen. Adult. l. 53. princ. l. 5. §. 1. furt. §. 7. eod. l. 13. §. 1. Injur.

§. 15. Excipitur damnum non jure datum ex lege Aquilia, quā damna etiam levissimā culpā data inter vera delicta numerantur, adeoque in ea lege plenissimē vestigia rigoris naturalis remanent. *l. 44. & t. t. Inst. & ff. Ad. l. Aquil.* idque ideo, ne dominus potius ferat damnum, quā is, qui dedit, cum illi vel nihil vel minus fortē imputari possit, quā huic: undē, et si levissima quoque culpa hic praestetur, tamen, si utrique aliquid imputari possit, is solus punitur, cui magis potest. Ex quo fundamento innumeri casus, qui variē accidere possunt, & partim recensentur *in l. 7. & seqq. l. 27. l. 52. & pass. eod.* definiri optime possunt.

Exceptio
1. in l. Aquilia.

§. 16. Sunt etiam casus quibus ob singularem utilitatem reip. aut similem, lata culpa vel levior quoque instar criminis aliquando punitur, uti in incendiariis. *l. pen. §. ult. Off. praef. vig. l. 9. l. pen. Incend. terminorum amotionibus. l. 2. in fin. Term. mot. Rixis. l. 1. §. 3. Sicar. poculo abortionis vel amatorio. l. 38. §. 5. Pœn. &c.* Aliquando ad instar privati delicti; quibus casibus obligatio inde quasi ex delicto oriri, & vulgo, *quasi delictum*, dicitur. *t. t. Inst. de Obl. quæ q. ex del. quæ proinde omnia, cum singularia sint, extra casus jure expressos extendi non debent.*

Exceptio
2. In casibus singularibus.

§. 17. Delictum igitur quod pœnam meretur, non fit nisi dolo malo. *per §. 14.* Dolus malus autem continet præcisè animum ac propositum lædendi seu decipiendi; ut aperte hoc exprimitur *in l. 2. §. 2. Vi bon. rapt.* ubi dolo malo is facere dicitur, qui *præcedente consilio ad hoc ipsum aliquid facit, ut damnum det bona verapiat.* & *in d. l. 2. §. 4. verb. ad hoc coactos, ut damnum daretur.* estque hæc ipsa definitio doli mali, quando præcisè aliquid *machinamur ad circumvenien-*

Dolus
præcisè
requirit
propositum lædendi.

dum, fallendum, decipiendum, ceu dicitur in l. 1. §. 2. Dol. mal. l. 7. §. 9. Pact. Item in l. 1. §. 2. Sicar. &c.

*Propos-
tum ergo
aliud
quodvis,
etsi sit vi-
tiosum,
est lata
culpa.*

§. 18. Fit autem sapius, ut hominis propositum non quidem tendat præcisè ad lædendum ac decipiendum, & tamen vitiosum sit: v.g. si quis, cui custodia commissæ vel captivi rei, vel servi vincti, miseratione ductus eum dimittit, vel mandatarius, ut gratiam alii faciat, alium paritur emere, non habet animum præcisè lædendi aut decipiendi dominum, sed gratiam & misericordiam, quæ in se licita & laudabilis est, faciendi, adeoque dolus malus non est, *per §. præc.* verum, cum sciat ex tali facto alium, sc. dominum, damno affici, utique tale propositum dolo proximum, seu lata culpa est. *l. 7. princ. Depos. l. 7. §. 7. Dol. mal. l. 14. §. 2. Custod. reor. l. 8, §. ult. Mandat. l. 7. §. 2. Adm. tut. Add. inf. Coll. V. §. 3.*

*Tale quo-
que est
proposi-
tum, non
negligen-
di res al-
terius, sed
magis eas
negligen-
di quàm
proprias.*

§. 19. Tale jam propositum quoque est, quando quis non quidem simpliciter intendit negligere res alienas, (id enim verum esset propositum lædendi & dolus) sed magis eas negligere quàm proprias, & minùs aliena curare quàm sua; v.g. Titii librum & tuum simul in Musæo tuo positos habes, ubi tutam eorum custodiam censes; sed cum fortè hospitem ibi recipere soleas, vereris ne liber tuus aliquando auferatur, ideoque tutioris custodiæ causâ aliò eum transfers relicto libro Titii. Hic non habes propositum lædendi Titium, putas enim librum ejus ibi custodire posse, adeoque dolum non habes, *per §. 17.* sed quia tamen scis, auferri quoque eum librum posse, (ideo enim tuum aliò transtulisti,) utique propositum habes minùs asservandi librum Titii, quàm tuum; quod proinde dolo proximum seu lata culpa est. Et hoc expresissimè dicitur in *l. 32. Depos.* latam culpam esse, si quis minorem aliis, quàm suis rebus diligentiam præstat. Item in *l. 24. §. 5. solut. matr.* ubi ibidem culpa saltem

saltem est, si quis magis sciat in servos dotales, utpote alienos, quam in suos. Denique in *l. 22. §. 3. Ad Trebell.* lata culpa dicitur, si quis non eā negligentia, quam in suis adhibere consuevit, sed majore, rem alterius distrahere neglexerit, seu, si quis magis neglexerit distrahere res alienas, quam solet proprias. En ergo in omnibus his casibus lata culpæ propositum minùs curandi aliena quam propria. *Ad de disp. 2. §. 16.*

§. 20. Huic latæ culpæ comparatur extremus gradus negligentia, quā quis id nescit, quod omnes sciunt; et si enim hic absit propositum minùs curandi res alias, tamen jure præsumitur adesse: præsumitur enim v. g. Titius scire, quod omnes sciunt; neque inscitia adeò affectata magis excusatur quam lata culpa, in qua propositum est. *l. 226. V. S.*

Huic proposito, seu latæ culpæ comparatur extrema negligentia.

§. 21. Ex his satis jam evidenter colligi potest, quibus casibus utraque hæc culpa lata dolo æquiparetur: nam cum verum delictum, ex quo pœna infligitur, requirat præcisè animum lædendi seu dolum, per §. 17. è contra, ex culpa non infligitur pœna, per §. 14. sequitur, quòd lata culpa in talibus delictis pœnalibus non sufficiat, adeoque pro dolo non sit. Hæc autem ratio cessat in damni restitutione, ad quam quis tenetur, et si animum lædendi non habuerit, ut constat, eamque saltem reparationem damni debet, et si pœnam non debeat. Ergo nihil hic est quod speciale sit in proposito lædendi, & quo illud separetur à proposito, quod constituit latam culpam. Unde sequitur hæc definitio: quòd, quoties principaliter ad damni restitutionem agitur, etiam ex delicto, (quia hoc casu ratio potius damni habetur, quam delicti ac pœnæ, dummodo delictum non includat in sua natura præcisè dolum seu animum lædendi, uti vis. *l. 2. §. 8. Vibon. rapt.*) nedum ex reli-

Utraque hæc culpa lata dolo comparatur in damni restitutione.

quis causis civilibus lata culpa & huic comparata negligentia maxima, *per §. 20.* pro dolo est. Quam definitionem ulterius ex legum quoque textibus demonstrabimus *inf. coll. 5. §. 3.*

Excepta
verum
communi-
one: in
qua non
dolo, sed
levi culpæ
compara-
tur,

§. 22. Hinc patet, quid statuendum in rebus communibus. Nim. si quis minus curat res communes quam proprias, itidem latam culpam committit, quia res communes sunt pro parte indivisa alienæ; adeoque est hæc definitio latæ culpæ, *per §. 19.* Unde etiam, si quis maximam negligentiam adhibeat in communibus, videbitur eam adhibere in alienis, adeoque comparabitur illa latæ culpæ, *per §. 20.* Ergo utraque hæc species definitione ac nomine est lata culpa. Verum hæc lata culpa hoc speciale habet in rebus communibus, quod non possit haberi pro dolo, uti habetur in rebus merè alienis, *per §. 21.* Ratio hæc est: quia rebus communibus immixta est pars propria pro indiviso, indeque socius habet causam gerendi propter partem suam, uti dicitur, *in l. 25. §. 16. Fam. etc.* ubi ex hac ratione idem quod hîc dicimus, concluditur. *Vid. inf. Coll. 6. §. 1. & pass.* Is enim qui causam habet gerendi propter partem suam non potest videri propositum habuisse negligendi, aut affectasse negligentiam; suam enim partem (adeoque & alteram suæ mixtam) gerit, ut servet non ut negligat: adeoque cessat hoc casu omne propositum, propter quod lata culpa dolo comparatur. *per §. 18.* & quælibet causa, etiam fatua, excusat à dolo, ut vulgò Dd. loquuntur: *arg. l. 25. §. 3. Her. per.* nec quisquam præsumi potest affectasse negligentiam in rebus propriis. *Nemo enim unquam ita resupinus est, ut facile suas pecunias jactet; ut dicitur in l. 25. pr. vers. Qui enim solvit. Probat. arg. l. ult. in fin. princ. C. arbitr. tut.* Cum igitur lata culpa in communionibus non contineatur sub culpa, necessario sequitur, quod sit culpa dolo opposita, quod alias

aliàs est levis culpæ, adeoque invenitur hæc lata culpa in societate, perinde ac levis culpa in reliquis contractibus, in legibus dolo opponi, eoque effectui levi culpæ comparari. Et hæc sententia latè demonstrata est *disp. 2. assert. 2. & 3.* & solidè probatur, ut alia omittam, saltem ex *l. 25. §. 16. l. 23. R. S. §. fin. societ. junct. §. pæn. Quib. mod. recontr. Vid. infr. Coll. 6. §. 8. & seqq.*

§. 23. Ulterius ergo nulla culpa præstatur in societate, nec media diligentia exigitur à socio, sed alteri socio imputatur, quòd socium parum, & ne quidem pro communi hominum modo diligentem, assumserit. *§. ult. societ. communi-
l. 72. eod.*

§. 24. Quantum ad definitiones reliquarum specierum culpæ ac diligentia, satis illæ sunt notæ, & de casu saltem notandum, quòd casu in genere fieri dicatur, quicquid ex improvifo fit, id est, quicquid à nobis actu non fuit provisum, etsi provideri potuerit: *l. 52. §. 3. Pro soc.* Quodsi autem debuit provideri, & legibus improbatur illa imprudentia, jam casus talis incipit esse culpa; unde est, quòd aliquando levissima, levis aut lata culpa vel continentur sub casu, vel ei opponuntur, prout in legibus pro culpa habentur, vel non: *Conf. l. 9. l. 11. Inc. ruin. l. 12. l. 14. Custod. reor. l. 22. §. 3. Ad Trebell. & disp. 2. §. 19.*

§. 25. III. Sed & alia adhuc est ratio (*conf. sup. §. 14.*) temperandi rigoris naturalis. Prætor sc. ipso jure civili mitior, quoties ipse solus jus, quod lege civili pænitus neglectum, nec ullum negotium civile continet, introduxit, solum in eo dolum non culpam comprehendit: cum enim lege civili nihil de eo cautum fuerit, sufficere putavit, si dolum saltem coërceret: uti hoc expressè dicitur in *l. 1. §. 1. si mens. fals. mod.* his ferè verbis: *Visum est satis, coërceri solum dolum ejus, qui civiliter obligatus non est.* Hinc in

Media diligentia non exigitur in communi-
one.

Casus fit culpa, quoties requiritur prudentia.

III. Prætor quoque temperat rigorem naturæ, dum in negotiis à se solo introductis solum dolum non culpam attendit.

precario, etsi solius accipientis sit utilitas, tamen dolus tantum præstatur. *l. 2. pr. l. 8. §. 3. Precar.* nulla enim inde juris civilis est actio, quia totum à liberalitate concedentis descendit. *l. 14. cod. l. 14. §. 11. Furt.* unde tunc nulla actio nascebatur. *§. 2. Donat.* cum ergo à solo Præatore hoc jus liberalitatis introductum sit, sufficit dolus & lata culpa: quæ ratio indigitatur *in d. l. 8. §. 3.* Idem est in edicto *Simens. fals. mod. &c. per d. l. 1. §. 1.* nam nec ibi civilis actio est. *d. l. 1. princ. junct. §. 1.*

§. 26. En totam fermè culparum materiam breviter, sed latiùs tamen deductam, quàm opus fuit: sagaci enim & non præoccupato ingenio vel margines sufficere ferè potuissent. Apparebit attentè legenti, in hac materia in qua acutissimus Jctus Donellus ajebat *inesse nodos inextricabiles, in quibus frustra Dd. se torquent & discentes cruciant. lib. 16. comm. 7.* ad certissimas rationes ac principia redactas, ut putem à temeritatis nota, quam affricare volebas, abunde me liberatum. In dispp. de dol. culp. &c. prolixiùs & magis per ambages singula juris civilis supposita Ethicis imprimis rationibus, (quibus, ut dictum, studiosi tunc operam quoque dabant) explicui: hìc autem id curæ habui, ut à prima sua origine totam materiam brevibus deducerem, singula plenius probaturus, ubi rescivero, quædam eorum, sed justis argumentis ac rationibus, oppugnatum iri, vel correcturus, ubi aliud apparuerit. His ergo ostensis jam propiùs conferamus.

COLLA-

COLLATIO III.

Ad d. decis. 7.

*An actio alicujus possit esse mala, & ta-
men ipse non malè agere.*

§. 1. Inter præmissa notavi primò: Quod evenire pos-
sit, ut actio alicujus sit mala, nec tamen is malè agat, uti si
quis v. g. in venatione inscius & merè fortuito homicidium
committit. *disp. 2. §. 8.*

§. 2. Opponis: *At quis non videt, hæc manifestam im-
plicare contradictionem: actio namque mala dicitur ratione ma-
lè agentis, & quæ actio contrariatur legibus, necesse est ratione
agentis contra leges malè dicatur.* Vel non inspexisti, vel diffi-
mulasti l. ii. §. pen. Pæn. quam allegaveram: ibi enim in ter-
minis idem asserit Jctus: *Delinquitur, inquit, aut proposito, aut
impetu, aut NB. casu, & quoad casum idem, quod ego, exem-
plum affert; pergit enim: casu, cum in venando telum in fe-
ram missum hominem interfecit.* En! hìc delictum dicitur ille
actus, quo quis mero casu in venatione hominem occidit,
& certum tamen est, eum non *delinquere* seu *malè agere*, per
text. expr. in §. 4. Leg. Aquil. casus enim fortuitos nemo præ-
stat. l. 6. C. pign. act. junct. l. 23. V. O. l. 23. in fin. R. I. &c. nec
quisquam tenetur, qui nudo casu citra ullam culpam homi-
nem occidit. per §. 3. Leg. Aq. l. 9. §. ult. eod. venatio enim
tunc jure gentium erat licita, per §. 12. Rer. div. l. 1. §. 1. l. 3. l.
5. A. R. D. cum ergo nihil in ea fuerit culpæ, & occisio solo
casu contigerit, constat occisorem nihil malè egisse, & ta-
men ipse actus dicitur delictum in d. l. Numquid ergo in
lege quoque statues manifestam esse contradictionem?

§. 3. Scil. in eo falleris, Vir Ampl. quòd putas actio-
nem

C

nem malam dici ratione malè agentis. Nam ad plenam malitiam & perfectum delictum duo concurrere debent, malum actus, ut sc. actus sit lege prohibitus, & malum agentis, quod consistit in animo & perverso proposito seu inclinatione ad talem actum. *Coll. 2. §. 5.* Hæc duo igitur inter se omnino sunt distincta, & aliud est malum actus, quod in læsione legibus prohibita, aliud malum agentis, quod consistit in malitiâ animi ac proposito, & alterum sine altero esse potest, licet utrumque ad plenam malitiam ac delictum concurrat.

§. 4. En hujus rei veritatem in *l. 40. §. pen. Furt.* Si quis enim rem aufert furandi quidem animo, sed domino volente, est quidem in agente malitia animi, propositum scil. furandi; ipse tamen actus neque furtum est, neque ullum aliud delictum, quia nemini invito aliquid aufertur *d. l. 46. §. pen. Furt. §. 8. eod.* volenti autem nulla fit injuria. *l. 9. §. 1. Aq. pluv. l. 34. C. transact. l. 145. R. 1.* En aliud! Si quis aufert furandi animo rem derelictam, animus furandi in agente malus est, ipse actus tamen furtum aut aliud delictum non est, quia nemini aliquid aufertur, cum sit res nullius. *l. 43. §. 5. Furt.* Item, si quis furandi animo conclave iutrat, dummodo sine vi, propositum quidem furandi malum est, etsi nullus furti actus subsequatur. *l. 21. §. 7. eod. arg. l. 5. princ. Injur.*

§. 5. Vice versa: Si quis invito domino rem auferat, cum putet eum consensurum, est malum aliquod in actu, quia invito domino jus suum aufertur, quod lege prohibitum est; non tamen in agente, quia putavit dominum consensurum, & sic absuit malum propositum. *l. 46. §. propen. l. 76. pr. Furt. §. 7. eod.* Idem est, si quis in venatione hominem casu occiderit, *juxta §. 2.*

§. 6. Et quid multis, si verum est, quod dicitur in *l. 1. §. 2. Sicar.* homicidium fieri posse, nec tamen esse pro homicida;

micide; *verb. qui hominem occidit, absolvi posse.* & contra, homicidium sine homicidio: *verb. qui hominem non occidit, pro homicida damnandus.* illud scilicet si absit propositi malitia, *verb. si non occidendi animo hoc admisit.* hoc, si adsit: *verb. si vulneravit ut occidat.*

§. 7. Et denique in casu *l. pen. Adult.* violatum est matrimonium quod adhuc subsistebat; est ergo hic actus lege prohibitus; non tamen qui mulierem duxit adulter est, quia nescivit repudium jure nullum esse, adeoque abfuit animus delinquendi. *d. l. pen.*

Neque verò quicquam ad rem respondes, quòd saltem sit adulterium ratione mulieris scientis. Et si enim, quòd mulier vitium repudii sciverit, *d. l.* planè non dicatur; adeoque hoc quoque gratis abs Te fingatur; quin imò mulier multò minùs intellexisse videatur jus & vitium ex lege quàm mas; tamen, hoc quoque quod fingis posito, id saltem sequitur, quòd mulier, si scivit, etiam perfectum adulterium commiserit, quia & malum actus & animus concurrunt; in viro autem, qui ignoravit, idem quidem est malum actus, at in agente animus abest. *per §. 2. & 3.*

§. 8. Instas. *Si malus est actus, quando quis casu hominem occidit, idem quoque erit, si tegula ex adibus cadens occidit hominem.* Nihil minùs. Leges actibus hominum positæ sunt, non lapidum: homo lege prohibitus est hominem occidere, non tegula; adeoque prohibitiō legis, in qua consistit malum actus, *per §. 3.* non inest actui lapidis, sed actui hominis, et si animus malè agendi in eo non sit. Denique diximus, malum actus humani inde esse, quia concurrat cum animo ad perfectum delictum, §. 3. non autem concurrat actus lapidis, non magis quàm actus Naturæ, quæ morte naturali hominem tollit.

COLLATIO IV.

Ad cap. Decis. 8.

*An imperitia, simplicitas, rusticitas &c.
potius minuant culpam an in-
tendant.*

§. 1. Alterum, quod notabam, hoc est. Quò magis aliquid fit per socordiam, simplicitatem, rusticitatem, inertiam &c. eò magis remotum est à culpa & delicto: quia hoc magis abest propositum & animus delinquendi, qui in delictis spectatur, quò magis committitur per ignorantiam, quæ consensum excludit, &c. *d. sect. 1. §. 9.*

§. 2. Hæc in suis terminis rectè se habere asseris; sed ita explicas, quòd *vera hæc sint in delictis*, non verò in culpa propriè dicta. Ais enim: *In delictis* (non culpa) quò magis abest propositum, eò minùs quis delinquit, & hoc sensu excusat à culpa, *h. e. delicto, rusticitas, simplicitas*. Indequè negas, quòd inde concluditur: Rusticitatem & imperitiam potius culpam excusare; quàm intendere, &c. quæ deinceps sequuntur. Verùm quot hæc unica decisio erronea peperit naves? Ordine conferam.

§. 3. Dicis 1. *In delictis*, non in culpa, quò magis abest propositum, eò minùs delinquit. Per culpam propriè dictam intelligo eam, quæ semper & in omnibus negotiis adeoque suâ naturâ culpa est, nim. culpam latam: uti apparet ex *disp. 2. §. 13. assert. 1. & §. 16.* nec non ex *assert. 4.* quæ habetur *disp. 3. in fin.* quibus locis latissimè demonstratum fuit, hanc culpam continere propositum & animum non quidem delinquendi, sed tale quid agendi, unde scit
damnum

damnum alii accidere posse; (quæ Tu semper confundis,) idemque coll. seq. patebit.

§. 4. Cum ergo hæc culpa non minùs ac dolus consistat in proposito & proæresi quadam, per §. præc. & alleg. ibid. sequitur sanè inevitabiliter, eò magis culpam illam abesse, quò magis abest tale propositum in quo culpa consistit: cum enim hæc invicem ponant & tollant, unum præ alio longius abesse non poterit. Sed & idem hoc ex sequentibus refutabitur; unde non est, cur hic sim prolixior.

§. 5. Dicis ergo 2. *Quòd simplicitas & rusticitas excuset à culpa, h. e. delicto, non autem quatenus sumitur pro culpa propriè dicta.* Vide, quæso, Vir Ampl. quantum à veritate Juris hic abeas! Anne, quoties in legibus dicitur, (dicitur autem sapissimè) ignoscendum rusticitati, simplicitati, imperitiæ hominis, quæ aliàs sunt culpa, hoc statuitur; ignoscendum esse homini, qui per rusticitatem, simplicitatem, & imperitiā, non verò, qui per dolum & delictum seu malitiam commisit? Nonne ergo hic rusticitas & simplicitas excusat à culpa, dum rusticitas illa causa est, ne quis ex ea tanquam ex culpa teneatur? Conferamus quæso leges. In l. 2. §. ult. *Jure fisc.* rusticitas excusat ab ignorantia proprii juris, quæ nunquam dolus aut delictum est, sed tantum culpa. per l. 213. §. ult. l. 223. *princ. V. S. l. 9. §. 2. iur. ign.* In l. 2. §. ult. *in jus voc.* rusticitas excusat à culpa, quòd vocatus neglexerit venire in jus: nam si dolo abest non excusat rusticitas. d. l. 2. §. ult. *in princ.* In l. ult. *C. testam.* eadem rusticitas excusat à negligentia subtilitatum juris, quæ sanè non dolus sed saltem culpa est: In l. 1. §. ult. *In sp. vent.* eadem excusat, à negligentia eorum quæ Prætor injunxit, per rusticitatem commissā. Imò in l. 2. §. ult. *eod.* expressè infirmitas mulieris eam tantum ab imperitiā excusat, non verò à malitiā; uti disertè additur. Item in l. 3. §. 22.

ad Silan. imperitia & rusticitas non à dolo (ut expressè ibi dicitur) sed ab ignorantia juris Pratorii excusat. In *l. 25. §. 1. Probat.* Ætas, imperitia, delidia &c. excusant à negligentia, quâ quis indebitum solvit, quæ dolus utique non est. In *l. 7. §. 4. Iuris d.* expressè imperitia & rusticitas dicitur non excusare à dolo, sed tantum à culpa, quæ per imperitiam vel rusticitatem committitur: idemque est in *l. 1. §. ult. Edend.* Et denique ne pupillaris quidem ætas pubertati proxima excusat à dolo *l. 11. pr. R. l. l. 23. furt. §. 18. eod. l. 3. §. 2. Ad l. Aq. l. 7. C. pæn. c. 1. Del. puer.* nedum rusticitas hominis justæ ætatis. Contra tot tamen textus, quos omnes ferè allegavi *d. disp. 2 §. 9.* non veretis asserere, rusticitatem &c. excusare tantum à dolo, non à culpa; cum in utroque directò contrarium debuisses dicere. Ut taceam idem hoc ostendi *ex §. præc.*

§. 6. Hinc ostenditur jam porro quòd malè. 3. re-jicias, *Rusticitatem*, & *imperitiam* potius excusare culpam quàm intendere. Quid multis? Confer rusticum & Jctum; ignorantia in hoc potius erit culpa, quàm in illo: rusticitas enim illum excusat. *d. l. 2. §. ult. Iur. fisc. d. l. ult. C. testam.* Confer mulierem & Jctum: illam ignorantia juris & simplicitas culpæ eximit. *l. 9. princ. Ign. jur. d. l. 1. §. ult. Edend.* hunc subjicit. *d. l. 25. princ. vers. & maxime, junct. §. 1. Probat.* In his ne quidem apud tyrones, nedum apud Te, Vir Amplissime, vel admonitione saltem opus esse credidifsem.

§. 7. Equidem non me latet, quæ Tibi sit causa erroris. Incautiùs percepisti has formulas: *Rusticati*, & *simplicitati* &c. *ignoscitur.* Vel: *Rusticitas* &c. *excusant à delicto vel culpa:* quasi sensus sit: *Quod per rusticitatem committitur, non videtur culpa vel dolo committi.* Mihi autem & in legibus ita accipitur; *Rusticati, simplicitati* &c. *ignoscitur,*

scitur, ne ex ea tanquam ex culpa quis teneatur; non autem
hactenus, ne propter eam etiam quis excusetur, si quid do-
lo commiserit: Et ex hac incautiore explicatione tot natae
sunt aberrationes aliae.

§.8. Et nihilominus audes me 4. ineptae confusio-
nis & contradictionis arguere, cujus Tu adeò hic reus es.
Et contendis, me culpam & delictum seu dolum ideo
confundere, quia dixi rusticitatem excusare à culpa pro-
priè dicta, (quod verum esse satis ostensum est §.5. *supr.*)
cum Tu dicas à delicto: & excusare rusticitatem ais à delicto
seu dolo. Quis jam ineptae hujus confusio-
nis, quam vocas,
est Autor?

§.9. Dicis 5. In l.3. §. *fin. Susp. tut. agi de culpa, quae ne-
gligentiam denotat.* Hoc non nego, sed assero: hæc enim
frequentius est levis culpa. Gratis E. provocas ad vocem
negligentiae, quippe quæ simpliciter posita potius mediam ne-
gligentiam denotat. *sup. Coll.2. §.7.* lata enim culpa non
dicitur *negligentia* simpliciter, sed *negligentia nimia, magna*
&c. l.6. l.9. §.2. *tur. ign. l.29. princ. Mand. &c.*

§.10. Sed id vidèris velle, in d. l.3. §. *ult. agi de lata*
culpa, non levi: id enim negavi. Ostendam facili argu-
mento contrarium; & sc. in d. l. per rusticitatem, in-
ertiam &c. non intelligi latam culpam, sed levem. Rusticitati
enim, inertiae in negotiis civilibus sæpius ignoscitur, ut ab-
unde ostensum *sup. §.5.* At lata culpæ nunquam ignosci-
tur, quia dolo æquiparatur, d. l.29. *pr. l.226. V.S.* Lata cul-
pa igitur non est rusticitas, inertia &c. Addo aliam ratio-
nem: Lata culpa est ignorantia ejus quod omnes sciunt,
periti & imperiti, docti & rustici. d. l.213. §. *ult. d. l.223. pr.*
V.S. Rusticitas, imperitia &c. non est ignorantia ejus,
quod omnes, sed quod peritiores, & cultiores tantum sci-
unt, imperiti autem & rustici ignorant, inde enim di-
citur

gitur imperitia & rusticitas: quæ proinde non sunt lata culpa.

§. 11. Dicis 6. *Facile admittimus, quod ejusmodi simplicitas & inertia excusat à dolo & pœna infamiae.* Satis jam obvium est, hunc errorem corrigendum esse ex §. 7.

§. 12. Dicis 7. *Quod in genere culparum tamen hæc negligentia (sc. rusticitas, inertia &c. de quibus in d. l. 3. §. ult.) minus sit excusabilis; sed ejus extremus gradus, propè ad dolum accedens. l. 226. V. S. &c.* Iterum manifesta falsitas: Extremus negligentiae gradus est, nescire, quod omnes sciunt, d. l. 213. d. l. 223. V. S. l. 9. §. 2. *Iur. ign.* Rusticitas autem est, nescire saltem, quod peritiores & cultiores, qui rustici non sunt, sciunt: uti jam prævertimus dicere §. 10.

§. 13. Dicis denique 8. *me statuere culpam committi per inertiam & rusticitatem &c. mihi que me contradicere, dum hæc, quando nimia sunt, lata culpa accenseam. disp. 2. pag. 45.* Utique per inertiam &c. committitur levis culpa, sed non lata vel propriè dicta, quæ semper pro culpa habetur, ut ubique addidi. Si autem nimia & maxima sit imperitia & rusticitas, non ideo est culpa lata, quia est simplex imperitia & rusticitas sed quia nimia est & affectata, quando sc. nescitur, quod cæteri omnes, imò rustici etiam alii sciunt, ex qua præsumitur propositum. Vide quæso, Vir Ampl. quàm facilis sis ad contradictiones imputandas, quod vel sinceritati Tux non satis convenit, si sciveris, vel peritiæ, si ignoravis tam facilem hujus rei solutionem, quam *παρρησια* mihi ignoscas. Quod etiam in tanta rerum luce & evidentiam mihi ineptas confusiones affingis, quas tamen ipse fecisti, molestius quidem ferrem, & fateor sentire me tædium, quod ex laxiore rerum adeò evidentium tractatu subnasci solet; verum, cum semel ad conferendum non vindicandum prodierim, gaudeo saltem, patere mihi jam transitum ad aliam collationem.

COLLA-

COLLATIO V.

Ad Decis. 9. d. cap. 5.

An culpa lata conjuncta sit cum aliquo proposito & proæresi.

§. 1. Sed non est, quod in hac collatione æquiores Te sperem; adeo ad tot fundamenta non malè sed nihil respondes. Dicis: *contraria hæc esse omni juri*; & tantum dicis, nullà rationis adjectà mentione. Afferui scil. culpam propriè dictam conjunctam esse cum proposito ac proæresi aliqua, non quidem lædendi & delinquendi, sed aliud quid, quod in se malum non est, agendi, verum ex quo scit alteri vel damnum oriturum, vel oriri posse. Et hoc explicatum & plurimis rationibus ac textibus demonstratum nobis fuit in disp. 2. §. 13. Assert. 1. Item in d. disp. 2. §. 16. Item plenissimè in assert. 4. quam ideo ex professo subjeci ad calcem disp. 3. & passim alibi.

§. 2. Quid Tu ad hæc omnia, Vir amplissime? Hoc solum. *Hæc sanè tradita nec juri civili, nec naturali, nec recte rationi conveniunt: imò inter se pugnant, culpam cum proposito ac proæresi esse conjunctam, & tamen non malitiosè quid fieri: nec ullam tam audacis asserti rationem reddis.*

§. 3. Mihi autem facile erit, ad oculum probare, culpam latam conjunctam esse cum aliquo proposito; & refutare crudum hoc assertum, *quod omni juri & rationi id repugnet* &c. Inspice quæso, & perspice l. 7. princ. depos. ubi dolo proximum, scilicet lata culpa, dicitur, *quando sequester servum apud se vinctum misericordiâ ductus solverit, ut fugeret.* En! hic sequester scit, cujus sit servus, & cui rei pararetur, (ita

D

enim

enim expressè ibi dicitur; *scit, cui rei pararetur*) adeoque sciens volens, hoc facto eum & domino & quæstioni subduci, tamen dicitur non dolum, sed dolo proximum, id est, latam culpam committere: quia non facit hoc animo delinquendi & officium negligendi, sed animo & proposito misericordiam exercendi, sed intempestivè. Idem videbis in *l. ult. §. 2. Custod. reor.* ubi custos carceris reum dimittit miseratione ductus, & tamen hic casus, quo miseratione dimittit, opponitur casui, quo fraude dimittit: si ergo fraus non est, erit utique saltem lata culpa, quæ fraudi proxima est. En! custos hic ultro dimittit reum: Anne ergo habet animum & propositum dimittendi? Hoc propositum non est dolus, ut vides, sed saltem lata culpa. Idem manifestissimè ostenditur *ex l. 7. §. 7. Dol. mal.* ubi in eadem specie iterum opponuntur, quando dolo, & quando miseratione solvitur servus, & si miseratione, negatur actio doli ac furti, quia dolus non est, adeoque saltem lata culpa. An ergo hæc quoque leges nulli juri & rationi conveniunt? An hæc jura quoque inter se pugnant?

Pergamus. In *l. 38. §. 5. Pæn.* dicitur de his, qui poculum abortionis vel amatorium dant, quòd dolo, seu animo lædendi non faciant; & tamen sciunt, cum periculo vitæ ac valetudinis maximo hoc conjunctum esse: hæc ergo proæresis, & hoc propositum, quo ultro & consultò poculum dant, etsi vitam & sanitatem inde periclitari sciant, non est dolus, adeoque saltem lata culpa. Denique in *l. 9. §. ult. & l. 39. princ. Ad l. Aquil.* servum dicitur quis, *dat à operâ* per lufum jaculatus, & equam *consultò* vehementius actam, rupisse: hoc consilium & propositum non est dolus, quia non fuit propositum lædendi, quod in dolo requiritur. *per text. expr. in l. 2. §. 2. verb. ad hoc ipsum ut damnum det, bona ve rapiat. Dol. mal.* sed ludendi & equam è suo expellendi; adeoque tantum

tantum culpa, uti dicitur in l. 10. Ad l. Aq. Add. sup. Collat. 2. §. 17. 18 19. Vides, Vir Ampl. quam juri & rectæ rationi contrarium sit assertum tuum, quo hæc talia esse asseris.

§. 4. Pergis: *Ejusdem farinae sunt, quæ sequuntur.* Ejusdem omnino sunt farinae hæc sequentia; id est, sine ulla ratione prolata, & jam explosa.

§. 5. Quæris porro, quam subtilitatem affectem his verbis disp. 2. p. 15. *Si quis per negligentiam naturalem committit aliquid, etsi non committit culpam, cum sit negligens & absit animus & voluntas; committit tamen, quod sit negligens, nec vitium illud naturale studio subegerit & correxerit.* Non putavi subtile hoc videri; res ipsa sanè manifesta est, quod ut pateat, utar exemplo vulgari. Finge opificem valde imperitum sui opificii, qui omni quidem curâ opus fecit, sed inutile tamen: is non quidem deliquit, quod opus inutiliter fecit, quia aliter non potuit, cum sit imperitus, adeoque ad impossibile non tenetur per vulg. sed eo delinquit, quod sit imperitus, & opificium suum, quod proficitur, non melius didicerit. Hoc puto satis obvium fore.

§. 6. Tu verò, Vir Ampl. pro hac distinctione aliam substituis: nim. *quod talis v. g. opifex committat culpam, non quatenus pro delicto accipitur, sed quatenus pro negligentia prohibita.* Certum est, hanc distinctionem satis per suam subtilitatem posse intelligi: verum nihil ad rem nostram facit. Volui rationem dare, cur homo, qui propter negligentiam & inscitiam sibi insitam aliter facere non potest, tamen culpæ reus videatur: & dixi, non ideo id esse, quod hanc negligentiam commiserit, cum sit negligens, adeoque aliter non possit; sed, quod sit negligens, cum potuerit & debuerit studio & exercitatione negligentiam excutere. Quid verò huc tua distinctio? Quod autem hanc usui & legibus conformiorem dicis, planè erroneum est;

cum contra omnem *voμon exēlav* sit, culpam pro dolo seu vero delicto accipi, quippe cui perpetuo in iure opponitur. *l. 11. Neg. gest. l. 27. §. 2. Rei vind. l. 25. §. 16. Fam. erc. l. 5. §. 2. & §. ult. l. 10. §. ult. Commod. l. 13. §. ult. Pign. act. & infinitis aliis.*

§. 7. Denique ais: *Reliqua, quæ pro sua assertione affert, facili negotio refelli ex dictis queunt.* Ex quibus dictis? Nihil dixisti, nisi quod hæc sententia, *culpa inesse propositum quoddam &c.* contradictoriam involvat, omni juri & rationi contraria sit, sed sine ulla ratione: & substituisti deinde aliam distinctionem, ad rem nihil pertinentem: præterea dixisti nihil. Quid inde refellis? Et quid meris his dictis Tuis nullo verbo probatis refelli potest? Facilis sanè disputandi methodus, quæ uteris!

COLLATIO VI.

Ad Decis. ult. d. cap. 5.

Quomodo convenient culpa, quæ in deposito, & ea quæ in societate præstatur, & quomodo differant?

§. 1. Ut singularem illam culpæ speciem, quæ in societate & rebus communibus præstatur, & unde omnis difficultas circa *l. 23. R. l.* nata est, solidè ostenderem & explicarem, duabis distinctis assertionibus id aggressus sum, nim. *assert. 2. & 3. disp. 2.* & in illa asserui, eandem esse culpam, quæ in deposito & societate præstatur, scil. latam: in altera autem; hanc latam culpam hoc speciale habere in societate, quod, ut aliàs, dolo non comparetur, adeoque (cùm hic sit effectus levis culpæ, quod dolo non contineatur)

tur) effectu pro levi culpa habeatur, prout videri quoque hoc potest ex *Coll. 2. §. 22.* idque ex evidentissimis legum textibus & rationibus ita non tantum demonstravi, sed & quaecunque antea erant difficultates tam facile & luculenter solvi, ut non dubitem, si quis attentè & candidè ista perlegerit, facile in eandem nobiscum sententiam cum condescensurum.

§. 2. Verum Ampl. Antagonista hic quoque haut parum iniquus est. Primum enim more suo contradictiones imputat, & obscuritatem arguit, dum ait: *Verum quid opus est rem hanc satis aliàs intricatam ejusmodi obscuris & sibi invicem contrariis novis assertionibus intricatiorem reddere? Quam enim eandem esse culpam in priorè, eam diversam in posteriore asserto dicit.*

§. 3. Quod obscuritatem attinet, usu quidem venire solet, ut res noviter percepta videatur primo intuitu obscurior, imprimis ei, qui hactenus alià sententià præoccupatus sint: Verum si quis ea quæ tractavimus *Coll. 2. §. 14. & seqq.* ritè inspexerit, & rationem hujus in societate specialitatis, nec non latæ culpæ bene perpenderit, non tantum facile totum hoc negotium perspiciet, sed & fatebitur, necessariò hæc ita dici debere ex hypothese juris, etsi ex legibus nihil probari posset; ceu mox patebit.

§. 4. Contradictiones verò quid comminisceris? Sine dubio enim longè aliud legisti in ipsis assertionibus. Dixi eandem esse culpam in se, diversam autem effectu. Hæccine contraria? Dolum & latam culpam esse diversam in se, sed eadem effectu in negotiis civilibus, omnes norunt. Eadem est actio, quæ datur in patrem & filium, sed diversi effectus; in filium datur in solidum, in patrem pro peculio, *l. 44. Pecul.* Idem delictum est, furti, rapinæ, injuriæ &c. si servus id committat si liber, sed diversis

effectibus; hic enim directò convenitur, ille verò no-
xaliter, *tot. tit. Nox. act.* & innumera alia. Sic eadem
culpa est, sed diversi effectus. An hæc sunt contraria?
Pudet ex Logicorum quoque scholis hæc refutare.

§. 5. Respondere tamen paras ad argumenta, quæ
pro aff. 2. quòd eadem in se sit culpa, quæ præstatur in de-
posito & societate, adduximus, sed nec ad omnia respon-
des, & ne quidem, ut malè contendis, ad præcipua, (reli-
qua enim vel æquè sunt certa, vel etiam certiora) nec ad
hæc ipsa distinctè, sed in cumulum & quasi per a-
versionem. *Affert*, inquis, *potissimum l. 72. Pro soc. §.*
fin. eod. junct. l. 32. Depos. §. fin. 2. m. r. c. o. in
quibus eadem præstationes in deposito & societate iisdem
verbis exprimi putat. Verùm hoc argumentum à paritate
verborum mihi profectò videtur omnium minimi momen-
ti, & longè certiora ex ratione & serie textuum aliisque le-
gibus deduxi, & partim mox probabo, §. 7. 8. Videam-
us tamen, quid respondeas.

§. 6. Respondes ergo ita: *Hoc non solum de societate,*
sed etiam de omnibus contractibus dici potest, quòd in iis præ-
standa sit lata culpa: in eo verò est differentia, quòd in quibus-
dam duntaxat ista culpa lata præstetur, nempe in deposito & pre-
cario. l. 23. R. J. &c. Talia fanè referre, est refutare. Re-
sponso eò redit. Concedis eandem culpam iisdem ver-
bis utrobique exigì, sed in deposito eam *duntaxat* ais exigì,
in societate & reliquis contractibus insuper etiam levem,
&c.

§. 7. Verùm I. Quis nescit, quòd, quoties definitur
certa præstatio in contractu, illa sola intelligatur exigì, &
nulla ulterior v. g. Quando dicitur, in deposito & precario
præstatur lata culpa, intelligitur illa sola præstari, exclusa
levi & levissima. Quando dicitur, in emto, conducto, pigno-
re, do-

re, dote, &c. præstatur culpa levis, intelligitur hæc sola præstari, exclusâ levissimâ: indeq; in commodato mandato, &c. in quibus insuper etiam levissima culpa præstatur, nunquam dicitur præstari culpa levis, sed semper levissima, vel omnes simul; (non enim admoneri meretur, ubi gravior culpa præstatur, ibi præstari multò magis leviozem) ita simpliciter dicitur præstari lata vel levis culpa, in l. 2. l. 7. C. arb. tut. l. 7. §. 1. susp. tut. l. 22. §. 3. Ad. SC. Treb. l. 17. §. 2. Præscr. verb. & aliis quàm plurimis, & intelligitur præstari duntaxat & sola. 2. Quin ne quidem hoc simpliciter dicitur in dd. ll. sed expressè excluditur diligentia media, quia expressè dicitur sufficere, si socius eandem adhibeat diligentiam in comunibus, quam in suis, etsi ipse sit parum diligens. d. §. ult. vers. sufficit. Soc. l. 72. cod. 3. Sed & manifestè omisio mediæ diligentia imputatur alteri socio, qui minùs diligentem elegit. d. §. ult. nam qui parum d. l. 72. hic ergo electus non tenetur nisi ad omissionem minimæ diligentia, seu ad latam culpam. 4. Accedit, quòd eadem utrobique refertur ratio præstationis, sc. quòd deponens vel socius sibi imputare debeat, quòd negligentem elegerit. d. §. ult. in fin. junct. d. §. pen. Q. m. r. c. o. si ergo hæc ratio operatur in deposito, ut duntaxat lata culpa præstatur, cur aliud operabitur in societate? Eadem enim ratio idem jus facit. l. 32. princ. Ad. l. Aq. 108. pr. V. O. l. 1. §. 25. Vi arm. Nic. Eberh. in loc. à sim. n. 1. 5. Et cur præstationes hæc in legibus aliàs referuntur, nisi ut definiantur ac determinentur, quousque quisque obligetur, & quousque præstare culpam debeat. Igitur id duntaxat præstat, quod ita requiritur, neque ultra id tenetur, quod ibi definitum est. Idque 6. ipsa rerum ac vocum natura demonstrat: non enim ad maximâ tenetur diligentiam, cui injuncta est mediocris, etsi non addita sit vox duntaxat: nec industria patrumf. diligentium exigenda est, quando lex contenta est

ta est parvâ diligentia, uti *in d. §. ult. & d. l. 72.* Vides igitur, quàm hoc responsionis effugium nullius sit momenti. Ad reliqua autem nihil respondisti.

§. 8. Atque ut hic addam aliam totius hujus sententiae probationem evidentem, perpende de quæso 7. l. 23. §. 16. *Fam. excise.* Exigitur ibi à cohærededolus & culpa; *verb. non tantum dolum, sed & culpam præstare debet cohæres.* Hæc tamen culpa non est omissio mediæ diligentiae, quam præstant patresf. diligentes; hæc enim licitè omitti potest, adeoque culpa non est; *verb. non tamen diligentiam præstare debet, qualem diligens paterf.* erit ergo omissio minimæ diligentiae, quæ est lata culpa. Quod ipsum insuper ostenditur ex eo, quia sufficit, in cohærede ea diligentia quam in suis præstat: *verb. talem igitur diligentiam præstare debet, qualem in suis rebus:* idque etsi ipse sit negligens, quia diligentia patrisf. diligentis in eo non requiritur. *d. verb. non tamen diligentiam &c.* Patet ergo in cohærede minimum diligentie sufficere, si minimam diligentiam adhibeat, adeoque non teneri, nisi ad omissionem diligentiae minimæ, quæ est lata culpa, uti Tu ipse definis *Exerc. 19. thes. 17. junct. thes. 18.*

§. 9. Sed quid opus est aliunde tela conquirere; ex iis, quæ ipse in sequentibus tradis, tota hæc res evidentissimè deciditur, idemq; quod prolixè ostendi, ipse Tu apertissimè dicis. Tota Tua distinctio inter societatem & reliquos contractus huc redit: In reliquis contractibus tenetur quis ad majorem diligentiam quàm in suis, si in suis sit negligens. In societate autem tenetur tantum ad eandem, etsi in suis sit negligens. Adscribam verba Tua, huc pertinentia. *In aliis contractibus non sufficit eam diligentiam adhibere, quàm quis suis rebus adhibet, si nim. in iis sit negligens, sed opus est diligentiore curam adhibeat alienis. l. 3. Per. rei vend. &c.* In
socie-

societate hoc singulare est, quod diligentia major, quam socius in rebus propriis adhibet, in communibus non possit desiderari, quia simul ad ipsum spectant, & de se queri debet, qui parum diligentem socium sibi adsumsit. d. l. 23. R. l. &c.

§. 10. Haecenus nihil diversum est ab iis quæ dixi: fateris socium, si negligens sit, seu minimam diligentiam adhibeat in suis, teneri tantum ad eandem diligentiam minimam in alienis: adeoque non est culpæ reus nisi minimam hanc diligentiam omittat; atqui omissio minimæ negligentiae est lata culpa, ut constat, & ipse describis *loc. sup. alleg.*

§. 11. Ita & in reliquis contractibus dicis sufficere diligentiam eandem quam quis præstat in suis, si in suis sit diligens & non negligens; adeoque requiris ibi diligentiam negligente seu parum diligente maiorem. Hanc diligentiam si jam ritè juxta communem & certissimam Dd. sententiam subdistinguas, tota res clara est: Vel enim intelligitur per diligentiam illa, quæcunque ab humano intellectu proficisci potest, & illa requiritur in mandato, commodato &c. & in his non tantum tenetur ad maiorem diligentiam quam in suis, si in suis sit negligens, sed et si in suis sit diligens, dummodo alius possit esse diligentior, adeoque ipse non adhibeat omnem, quæ adhiberi ab homine potest, diligentiam: Vel verò intelligitur diligentia respectu conditionis humanæ, & juxta quam homines dicuntur frugi ac diligentes, & hæc sufficit in reliquis contractibus regulariter, adeoque in iis verum est, eandem sufficere diligentiam, quam quis præstat in suis, si modò in suis non sit negligens. Adeque hæc saltem distinctio adhiberi adhuc debuit. *Vid. Coll. 2. §. 6. & seqq.*

§. 12. Quid verò sibi vult, quod ais, *per accidens evenire, quod similitudo aliqua hac in re sit inter depositarium & socium,*

E

quando

quando scil. contingit, ut incidat in negligentem socium. Nonne enim idem accidit in depositario; qui, si forte parum diligens est, tunc demum tenetur ob negligentiam maximam: nam si diligens, debet, non minus ac socius, eandem quoque diligentiam in rebus alterius adhibere; nec enim salva fide minorem curam in deposito, quam in suis adhibere potest per text. expr. in l. 32. Depos. Vid. Coll. 2. §. 19. & Coll. 6. §. 7. & seqq.

§. 13. Denique ais: *Quod etiam ipse Coccejus necesse est admittat, juxta ass. 3. ex qua patet, non eandem utrobique esse præstandam culpam, sed in societate ultra latam etiam levem.* Ostende verba, ubi statuitur in societate præstari levem culpam **ULTRA LATAM**; nullibi invenies. Dixi eandem culpam, quæ in deposito continetur sub dolo, præstari in societate, sed dolo oppositam, & hoc effectu aliam esse à culpa depositi. levis autem culpa nullibi in Ll. dicitur, sed culpa simpliciter dolo opposita, quod cum levis culpæ proprium sit, dixi hoc effectu culpæ levi comparari. & hoc ad ravim usque toties jam repeto atque demonstro.

COLLATIO VII.

Ad cap. 6. Decis. 34.

Quomodo dolus cum metu concurrat?

§. 1. Hic controvertimus explicationem l. 14. §. 13. *Quod met caus.* cujus verba sunt: *Eum qui metum fecit, & de dolo teneri certum est, & consumi alteram actionem per alteram exceptione in factum opposita.* Vir Ampl. hujus concursus hanc causam dat. *quia vis metum inferens videtur esse cum callida machinatione conjuncta, quæ quis inducitur, ut ipse, sciens*

sciens se ladi, aliquid agat, quod aliàs non egisset. Exerc. 8. thes. 23.

§. 2. Mihi autem videbatur non ideò dolum cum vi seu metu concurrere, quòd huic conjuncta sit callida quædam machinatio, quæ dolus est. *l. 1. §. 1. Dol. mal.* ille siquidem dolus, qui vi ac metui inest, expressè opponitur callidæ machinationi, & tanquam diversa hæc separantur in *l. 2. §. 8. 9. Vi bon. rapt. & l. 16. Capt. & postl. Disp. 2. §. 15.* Addo jam, quòd metus hic non inducatur callida seu clandestina ac simulata machinatione, sed aperta & violenta. *d. l. 2. §. 9.* (Noto hic, quòd in allegatis abs Te verbis meis, videam bis transpositas voces, *vis* ac *dolo*, quod facillè pro Tua humanitate, Vir Ampl. corriges.)

§. 3. Regeris: *Ast sanè hac in re nulla inter nos est dissensio: Ast non exponit ille, cur etiam ob vim edictum de dolo locum habeat: nostræ ergo rationi insistendum, usquedum meliorem suppeditaverit.*

§. 4. Sed in eo utique videtur dissensus, quòd dolus ille, qui cum metu concurrat, non committatur per calliditatem & simulatam fraudem alterius, ut statuis, sed per apertam violentiam, quæ trepidatio quædam & stupor menti inducitur. *l. 1. princ. verb. mentis trepidatione.* & ita turbatur animus, ut ferè nesciat quid fiat: & hinc est, quod talis metus ignorantiam continere dicatur in *l. 14. §. 3. Quod met. caus.* cum enim hic intelligatur metus non quivis, sed adeò atrox, ut in constantissimum quoq; virum cadat. *l. 1. in fin. l. 5. l. 6. l. 7. princ. eod. l. 3. Ex quib. caus. maj.* facillè potest quis ad talem stuporem mentis adigi, ut in ista perturbatione non satis percipiat ea quæ geruntur. *arg. l. 1. §. 2. l. 4. princ. Incend. ruin.* Et hæc ignorantia hic est causa vera, quam petebas, hujus concursus, & dolum parit eum, qui cum metu conjunctus est, *d. l. 14. §. 3.* Decipitur enim, qui factò alterius

malitioso in errorem seu ignorantiam deducitur. *arg. l. 26. Rei vind.*

§. 5. Et hoc ad summam actionis ac libelli multum refert: si quis enim hoc casu velit de dolo agere, non debet libello suo exponere violentiam alterius ac vim illatam, indeque concludere, eum de dolo damnandum. rejiceretur enim libellus tanquam ineptus: *per vulg.* sed trepidationem & perturbationem animi proponet, in qua non animadverterit, quæ gesta sint. Uti & è contrario, si de vi agat, non hanc ignorantiam, sed vim saltem allegabit.

§. 6. Idque vel inde saltem certum ac necessarium fit. Si enim de metu conquereris, semper negotium rescinditur; si de dolo, aliquando ipso jure id nullum est; sc. quoties dolus causam dedit negotio bonæ fidei; uti communiter Dd. & verissimè sentiunt. Unde priore casu non potes ex capite ignorantie agere, quæ consensum pœnitus tollit. *l. 15. Jurisd. l. 2. pr. Judic. &c.* adeoque quod jure nullum est, rescindi non potest. *l. 16. per tot. Minor.* utiq; si dat causam negotio bonæ fidei, ceu dictum. Uti & posteriore casu non ages ex capite violentie, quæ consensum non tollit, sed posito tali periculo ponit: adest ergo consensus aliquis in quo fundatur negotium, & ipso jure subsistit, adeoque rescindendum est.

§. 7. Hinc patet, cur actio famosa doli hic concurrat cum metu: cum enim distincta sint delicta, in arbitrio actoris est, utrum velit movere. *per l. 8. §. 12. Inoff. test.*

§. 8. Patet quoq; cur per exceptionem demum tollantur: ubi enim diversa sunt delicta, ex singulis actio ipso jure subsistit. *l. 5. §. 1. Ad l. Aquil.* sed cum ex uno tantum facto resultent, hinc semel ex una jure quaesito, alteri opponitur exceptio. *l. 34. pr. O. A. l. 1. §. 22. Tut. & rat.*

§. 9. Nihil verò obstat, quòd dolus definiatur callida machi-

machinatio. l. 1. §. 1. *Dol. mal.* Id enim verum est de dolo, qui sine vi est. l. 2. §. 8. & §. 9. *Vi bon. rapt. l. 5.* Ex quib. *caus. maj.* de quo principaliter ibi agitur, quia vis in præc. edict. *Quod met. caus.* jam tractata fuit.

COLLATIO VIII.

Ad cap. 6. Decis. ult.

Iterum queritur de proposito lata culpa.

§. 1. Quæ hic affers, non sanè merentur repeti. Quoties illa jam sunt explosa? Iterum insurgis contra sententiam nostram, *culpam propriè dictam, seu latam continere aliquod propositum*, ut diximus & explicavimus *disp. 2. §. 16.* & demonstratum *coll. 5. per tot. & coll. 2. §. 18. 19.*

§. 2. Opponis 1. *Ex proposito seu datâ operâ rem alienam negligere non videtur tam culpæ quàm dolo accensendum.* Iterum repeto duplex propositum, vel lædendi, quod in dolo est, uti ipse definis *diff. de Dolo & culp. thes. 32. & 34.* vel aliquid in se licitum agendi, ex quo tamen is, qui agit, scit, damnum saltem oriri posse; quod est latæ culpæ, uti ad nauseam demonstratum *d. coll. 5. §. 3. & coll. 2. §. 18. & seqq.*

§. 3. Opponis 2. *Nōn convenit hoc omni culpæ, sed solum latæ.* Et de hac tantum loquor; per culpam enim propriè dictam intelligo latam quæ semper est culpa: ut itidem sæpius jam inculcatum. *Vide sup. coll. 4. §. 3.*

§. 4. Ad l. 6. §. *mandati. 6.* *Hic qui not. inf.* respondes: *proponi casum singularem, quo etiam contraria actione conventus & condemnatus sit ob fidem peculiariter ruptam infamis &c.* Videamus verò legem. *Edicto notatur non solum, qui mandatum suscepit, sed is, qui fidem, quam adversarius secutus*

est, non præstat, utputa fidejussi pro te & solvi; mandati te si condemnare, famosum facio. Hic sanè non est casus singularis, sed regula generalis, quòd edicto notentur omnes, qui fidem susceptam non præstant; uti ex inspectione patet: hæc regula applicatur postea ad exemplum contrariæ mandati actionis. Ex ista ergo regula, non exemplo, ostendimus, in negotiis civilibus suscipi fidem ab altero, eamque alterum sequi, *verb. fidem, quam adversarius sequitur.* ceu latè *d. disp.* deduxi. Unde autem fidem industriæ suæ alteri fecit? Utrique ex ea, quam suis negotiis alias solet adhibere, industria; Eam ergo si non præstat, species quædam est perfidiæ, & fidem fallit, etsi propositum lædendi non habeat; quo proinde casu erit saltem lata culpa, & nihilominus infamiam ingeret. *d. l. 6. §. 6.*

§. 4. Pergis, *me in sequentibus ipsum significare, in culpa haut esse propositum proprie dictum.* Ubi id statui? Dixi, & toties jam repetii, non esse in ea propositum præcisè lædendi; esse tamen propositum aliquid in se licitum sed cum damno conjunctum agendi; vel id negligendi, unde læsio quidem non oritur, oriri tamen fortè potest. *Coll. 2. §. 19.* quod utique est propositum propriè dictum.

§. 5. Ad locum Ciceronis, ex quo eandem culpæ rationem ostendi, ita respondes. *Locus Ciceronis agit de perfidia mandatarii, & negligentius, datâ tamen operâ & contra fidem admissum opponitur ei, quod quæstus causâ, factum.* Utroque igitur casu, sive quæstus causâ sive alias contra fidem, malè, datâ operâ, in rebus mandatis quis versatus est, dolus subest. Sed evolvamus, quæso, loci initium: *Si quis, inquit, rem mandatam non modò malitiosius gessisset, sui quæstus & commodi causâ; sed & negligentius &c.* En! non hic opponitur tantum quæstus causâ & negligentia, sed *malitia & negligentia*; Tu verò etiam in posteriore hac specie

cie statuis malitiam; quod insuper sequentia etiam verba apertissime refellunt: *Vid. coll. 13. §. 18.*

§. 6. *Instas. Ita etiam ob culpam quis fieret infamis, contra text. expr. in l. 6. §. fin. His qui not.* Verum est, generaliter autorem istum loqui: quod si nolis, restringendus necessario erit textus ad speciem habilem, negligentiam scil. maximam, cum negari non possit, de negligentia quoque eum agere. Verum, quid si statuerem in omni specie culpæ, etiam levissimæ, hoc casu infamiam irrogari: sanè textus *in d. §. fin.* nihil impedit. Abstini equidem hactenus ab ista sententia, & adhuc timidusculè id cogito, sed obfirmabitur, scio, frons, dum ad coll. 13. §. 18. pervenerimus, ubi sententiam hanc esse verissimam apparebit.

COLLATIO IX.

Ad cap. 7. decis. ult.

Qua culpa in pignore præstetur, & quid sit negligentia?

§. 1. Initiò statuis hìc, quæ nova Tua & paucorum sententia est, in pignore præstari culpam quoque levissimam *l. 13. §. 1. Pign. act. §. ult. Q. m. 2. c. obl. & ejusdem sententiæ patronum allegas Nic. Burgundum. de per. & culp. qui in distinctionem mediæ & maximæ diligentia ita invehitur. Sed hæc mera sunt nugæ. quippe frugi & diligens paterf. apud veteres ictos idem est, quod diligentissimus. Et hic homo propter d. l. 13. §. ult. Pign. act. quam solvere nequit, & quæ à nobis ex regula, quam tradidimus Coll. 2. §. 13. facillimè & solidissimè solvitur, vid. inf. Coll. XI. §. 11. eò processit temeritatis, ut omnes Juris Interpretes propter sententiam, quæ in-*
victis

visis legum textibus probatur, ut apparebit. *d. coll. XI.* nugas egisse nugeretur. Sed ita solet accidere, ubi casus tantum legum tractamus, ipsas autem juris rationes ac principia negligimus.

§. 2. Pergis: *Quæ Dn. Coccejus d. disp. 2. thes. 17. & 18. de negligentia, quam qualitatem inconcinne definit, latius tractat, magis hanc rem confundunt, quam explicant.* Dum negligentiam inconcinne definiri qualitatem ais, Logicorum fidem impugnas: cum enim diligentia sit qualitas, etiam negligentia, tanquam ejus oppositum & privatio, erit talis: ceu tenebræ ad idem cum luce genus reducuntur. Et quò aliàs referes habitus vitiosos? Nonne ad qualitates? Atqui negligentia est habitus vitiosus, & vitium naturale: ita enim dicitur in *l. 2. C. quand. & quib. quart. Naturale vitium est, negligere, quod communiter possidetur:*

§. 3. Quæ autem sint illa in §. 17. 18. quæ magis confundant hanc rem, quàm explicent, non video; imprimis, si quis à præjudiciis liber est; distinguuntur enim ibi gradus diligentiae, & cujusque rationes ac principia indagantur. Interim ex iis, quæ tradita sunt *Coll. 2.* restota adhuc luculentius intelligitur.

§. 4. Demum ais: *Et cum iterum culpam à negligentia distinguit, inscite ludit in amphibologia, quam superius c. 5. dec. 8. arguimus.* Lapsus hic est memoriæ: nam *d. dec. 8.* hanc distinctionem ipse admisisti. En verba Tua: *Culpam distingui à negligentia absolute ita dicta concedi potest.* Et mox: *Quod si vitiositatem aliquam latiore sensu lubet Dn. Coccejo appellare in verbis erimus faciles.* Et quomodo hoc negare poteris? Culpa semper est vitiosa, & culpositas dicit vitiositatem: per hanc autem dixi me intelligere, quicquid legibus improbatur. Negligentia autem non semper

per & penitus est vitiosa, sed tunc demum, quando pro culpa habetur, uti constat: & hanc rationem differentiae ipsamet inculcas d. l.

COLLATIO X.

Ad cap. 8. Dec. ult. & cap. 23. Dec. ult.

An inter negligentiam & culpam differentia quaedam statuenda?

§. 1. In disp. 1. sect. 2. prop. 1. ita dixi: Hæ tres species, dolus, culpa, casus, non sufficiunt, si omnes distinctim & accuratè inspiciantur, dum omittitur diligentia, (seu, ejus oppositum, negligentia) quæ diversa est à culpa, & semper ferè separatim à culpa, tanquam species ejus opposita, in legibus proferri solet. l. 5. §. 2. in fin. Commod. l. 23. R. J. l. 47. §. pen. leg. 1. l. 5. §. ult. Commod. &c.

§. 2. Opponis §. 3. Emt. l. 35 §. 4. contr. emt. l. 36. verb. neglexerit. Act. emt. l. 54. cod. l. 11. verb. negligentia. Per rei vend. ex quibus constet culpam & negligentiam non differre. Jam refutatum hoc est coll. præc. §. 3. & seqq. ex propria Tua decisione ac ratione.

§. 3. Nec movent quicquam leges objectæ: Iis enim jam occurrere volui in ipsa d. prop. 1. ubi ita pergo. Equidem solet culpa vox aliquando adeò latè sumi, ut omnem negligentiam, etiam minimam, quæ levissima dicitur, comprehendat. Et in fine d. prop. 1. Potest aliquando culpa tam latè sumi, ut negligentiam complectatur. Sed dixi, hoc non sufficere, si accuratè & distinctim omnes præstationes inspiciuntur. V. d. §. 1. & semper ferè in legibus ab invicem separari: nim. quoties omnes præstationum species plenè referuntur.

F

§. 4. Se-

§. 4. Separari autem culpam & negligentiam, ad oculum patet ex *Ll. alleg. §. 1. & sim.* Ad quas respondes? *Quod culpa ibi levem, diligentia levissimam denotet, uti jam dudum explicaverit Rittershusius &c.* Respondeo 1. Ergo fateris tamen, voces has *culpa & negligentia* in jure ab invicem separari & distingui: quod mox quoque in fine hujus Decis. ex professo asseris. Hujus distinctionis rationem ut ostenderem, dixi (ut brevibus ea complectar) initio; culpam propriè dici de ea, quæ propositum aliquod continet, adeoque semper est vitiosa & culpa, uti est culpa lata. *d. disp. 2. §. 16. sup. coll. 2. §. 18. 19.* negligentiam autem dici propriè de vitio naturali, quod proinde suâ essentiâ culpa non est, sed ex certis causis aliquando pro culpa habetur & legibus improbatur; quo sensu, si vox *culpa* adhuc opponatur *diligentiæ*, hac voce intelligitur *diligentia* maxima, cujus omissio ex moderamine juris civilis regulariter non *culpa* sed casui adscribitur, & non nisi in casibus exceptis præstatur. Vides, nihil me dissentire à Rittersh. Tuo, qui nihil hic aliud statuit, quàm quod omnes Dd. sentiunt: & manere tamen oppositionem & distinctionem inter culpam & negligentiam. Resp. 2. Videris, Tui hìc planè immemor: si enim, ut refers, culpa in *Ll. levem, diligentia levissimam* notat, utique hæc duo inter se differrent: quod sententiam Tuam destruit, de qua *Coll. 11. §. 14.*

§. 5. Dixi porrò: quod culpa simpliciter posita non semper levem significet; nec diligentia, mediam. *d. disp. 1. prop. 12 & 13.* Ad quæ hæc notas: *Facile concedimus, quod culpa aliquando etiam latam comprehendat: sæpius verò levem designat, cum primis si diligentia quasi opponatur. Eadem est ratio diligentie, quæ aliquando itidem alios gradus diligentie notat, sæpius tamen exactissimam, præsertim si culpae contradistinguantur.* Fateris ergo, non semper intelligi mediam nec determinat

minas, quando hanc aut aliam notet. Evidenter verò id determinatur duabus regulis prolixè demonstratis; quas tradidi *Collat. 2. §. 7. & §. 13.* Scil. quòd in negotiis, ex quorum natura certus culpæ gradus definitus est, per culpam & diligentiam intelligatur omne id, quod in tali negotio præstatur & exigitur. *d. §. 13.* In cæteris autem media. *d. §. 7.*

COLLATIO XI.

Ad cap. 11. dec. 34.

*Ubi plenissimè sententia, qua confundit levem
& levissimam culpam refutatur, &
contraria curatè solvuntur.*

§. 1. Pervenimus jam ad eam, in qua cardò ferè contentionis nostræ vertitur, quæstionem, An inter levem & levissimam culpam in usu juris nulla statuenda sit differentia; adeoque in negotiis, in quibus levis culpa præstatur, præstanda etiam sit levissima? Noviter hoc asseruit *Donellus lib. 16. c. 7. & Nicol. Burgundus de Peric. & culp. c. ult.* quos Tu, Vir amplissime, sequeris, motus, ut ais, *l. 23. R. J.* Obiter saltem pro refutatione hujus sententiæ proposui quædam argumenta, *disp. 1. sect. 3.* cum res hæc non videretur obscura aut difficilis; Verùm cum latè hîc ad ea respondere satagas, è re visum fuit diligentius hac vice eam tractare, ut tota ejus ratio pateat, imprimis, cum ipse, Vir Ampl. videaris differentiam inter culpam levem & levissimam jam admittere.

§. 2. Atque, ut omnia hîc complectar, rationes, quibus probatur differre culpam levem & levissimam, itemque

F 2

diligen-

diligentiam mediam & maximam, hæ sunt. I. Quoties verò ipse Tu, vir Ampl. concedis ac fateris, exactiorem diligentiam requiri in commodato, quàm in cæteris contractibus? In omnibus ferè argumentis meis hoc concedis: Ita enim ad I. respondes 3^{tiò}. *Præterea concedimus, quod præ aliis contractibus diligentia adhibenda sit in commodato.* Ad II. respondes 2^{dò}. *Jam concessimus, quod aliquantò exactior diligentia in commodato sit adhibenda.* Ad IV. respondes. *Quo tamen modo exactior in commodato diligentia desideretur, explicatum est Evol. ad d. thes. 41.* Ad V. *Prudens judex exactius considerat diligentiam adhibendam in commodato.* Ad VI. respondes. 3^{tiò}. *Aliqualem differentiam, quòd scil. judex sit attentior in æstimanda diligentia in commodato, largimur.* Denique ad VII. disertissimè respondes I. *Culpam levem & levissimam, ut gradus, non ut species distinguere non negamus, perinde ut in Grammaticis positivum & superlativum; ac, si velis comparativum, levioris scil. interdicere, per nos licet:* (Reliqua verba, quæ sequuntur, mox addam, §. 9. & seqq.)

§. 3. Accepto, Vir Ampl. hanc Tuam concessionem toties repetitum: & cum quo ergo contendis? Neque ego, neque communior sententia aliam quàm gradus differentiam agnoscimus. *Hillig. ad Don. d. c. 7. lit. S. & alleg. ibid.* Et sicubi inveniantur dici diversæ culparum species, vox speciei laxiùs accipitur: neque enim hic versamur in logicorum vel triviis vel argutiis: uti ergo latæ negligentiae culpa differt à levi non nisi gradu, & tanquam major à minore; ita levis à levissima, non nisi ut minor à minima: culpræ autem nihil aliud sunt nisi tales negligentiae gradus; nam lata, est maxima negligentia; levis, minor; levissima, minima; idemque est in gradibus diligentiae: Quæ adeò trita & obvia sunt, ut vel calumniari vel valde ignarum esse putem, qui hæc controvertit. Id tamen certum est, culpa, quæ

quæ in proposito quodam consistit, propriam speciem esse; sed id huc non pertinet.

§. 4. Posita jam hac Tua concessione, in iis terminis, prout ipse definis, (nam quem postea quæris colorem nondam hic quicquam moror) hic candorem Tuum posco, ut consideres, an ulla ratione defendi possit hæc Tua concessa hypothesis, nisi meam admittas sententiam. Antequam ipse iudicium feras, perpende, quæso, ut hæc demonstrarem.

§. 5. Subeat, quod doceas, in societate singularem præstari culpam, & diversam ab ea, quæ præstatur in negotiis utriusque causa contractis: v. g. vendito locato, pignore, dote &c. Hoc enim asseris non tantum *in cap. 5. Decis. Sabbath. ult. vers. Caterum in societate* ubi ea de re diximus *in Coll. 6.* sed & in reliquis tuis tractatibus, prout nôsti.

§. 6. Hæc jam culpa, quæ in societate singulariter præstatur, neque est levissima illa, quæ juxta Te gradu saltem à reliquis differt; utpote, quam tantum in commodato & similibus negotiis præstari ais, *juxta §. 2.* Neque levis; quia hæc est illa, quam in vendito, locato, & sim. exis; (cùm enim levissima propria sit commodato &c. nulla alia est, quæ his negotiis possit convenire, nisi levis) ab his autem negotiis distat adhuc culpa societatis, *per §. 5.* Quænam ergo? Vides, Vir Ampl. nullam restare, quam societati tribuere possis, nisi latam: quod ipsum dixi & demonstravi *disp. 2. asser.* 2. & 3. & *supr. coll. 2. §. 22. 23.*

§. 7. Cùm ergo ita restota sit manifesta; cumque hac ratione omnis difficultas evanescat; *d. ass. 2. & 3.* quin imo ratio & connexio totius materiæ accuratissimè constet; *d. coll. 2. §. 21. 22.* & legum textus optimè conveniant, imò idem evincant, ut ex passim tractatis apparet, quid amplius contendis & colorem levissimæ Tuæ culpæ quæris, qui quod Tibi ipsi verus videatur, mihi non persuadetur.

F 3

Ita

Ita enim Te explicas in *Evolut. ad Pand. Exerc. 19. Thes. 41. Diligentia quæ in reliquis contractibus adhibenda est, non ita ad vivum refecatur à prudenti iudice: (es wird nicht eben so genau genommen) in commodato autem &c. da wird es etwas genauer gesucht: Et ita revera à diligentia, quam reus præstare debet, & de qua sola hîc agitur, divagaris ad diligentiam iudicis, sine ulla lege: & mediam injungis reo, maximam iudici; quo sensu culpa levissima non rei sed iudicis erit, quippe omissio diligentia iudicis; utique nisi de solis verbis litiges. Et hæc omnia, qua lege? Neque in l. 2. §. 2. *Commod.* & innumeris aliis dicitur, quod eadem culpa quæ in emto, pignore &c. exigitur, præstetur multò magis, seu magis expensa, in commodato; sed quod præter istam culpam alia culpa præstetur in commodato, scil. quæ ibi opposito *diligentia* nomine venit. Et quid ergo juvat talem potius novam distinctiunculam comminisci, cujus in toto jure ne ullum quidem apparet vestigium; quam communem tot textibus probatam admittere, quæ omni caret difficultata, positis saltem, quæ de Societate diximus atque probavimus?*

§. 8. Sed & ipse mox inde discedis, & fateris veram differentiam, dum pergis. *Vel: in contractibus reliquis in genere diligentia cujuslibet boni & frugi patris. exigitur. l. II. Per. rei vend. In commodato verò tanta desideratur, ut non excusetur quis, si alias diligentissimus quisque majorem curam ea in re adhibuisset.* Non video profectò, quomodo hæc distinctio non sit penitus ea ipsa, quam adhibui *sup. d. coll. 2. §. 6. 7.* & quam omnes Dd. tradunt inter levem & levissimam culpam, seu mediam & maximam diligentiam. Quid ergo cæteris inhæres?

§. 9. Multò minus admitti illa potest, quam refert in *responsione prima ad arg. meum VII.* ubi postquam concessisti, levem

levem ac levissimam culpam gradu differre, subjungis; *At quoad præstationem culpa nullā inter hos gradus esse differentiam per textus apertissimos asserimus.* Culpas gradu differre concedis, præstationes culpæ negas. Sed, quid, quæso, est præstatio culpæ, quàm ipsa culpa, quæ præstatur; & si culpa levissima venit in commodato, illa utique debet præstari; & talis omnino est præstatio culpæ; qualis culpa. Denique ipse fateris in allegatis *sup. §. 2.* diligentiam exactiorem in commodato esse *adhibendam* sive, quod idem *præstandam*. Tædet his immorari longius. Satis apparebit ex sequentibus argumentis, plus præstari in commodato &c. quàm in aliis.

§. 10. Cæterum apertissimos illos textus, quorum modò mentionem injecisti, non alios invenio, nisi quos adducis in *responsione ad argum. 1.* quibus ostendi existimas, inter commodatum & reliquos contractus non esse differentiam quoad culpæ præstationem. sc. (1.) *l. 13. §. ult. Pign. actio (2.) l. 3. Per. rei ven. (3) l. 23. R. 1.*

§. 11. Videsis jam, Vir Ampl. quàm facilis & certa sit harum legum, quibus Tu totam novam sententiam fundas, ex nostris principiis solutio. Primus enim & ultimus textus solvuntur ex tegula tradita *coll. 2. §. 13.* cum enim in dd. ll. tantum sint negotia, quæ ex sua natura certum culpæ ac diligentie gradum definitum habent; sequitur voce *culpa* ac *diligentie* in singulis istis negotiis id contineri & significari, quod in unoquoque ex lege præstatur & exigitur: ita in *d. l. 13. §. fin.* vox culpæ in pignore significat mediam, in commodato levissimam, *d. coll. 2. §. 13.* & utraque rectè tamen opponitur casibus fortuitis. *d. coll. 2. §. 24. l. 14. eod.* Vox diligentie in *d. l. 23.* denotat in commodato &c. maximam, in reliquis mediam pro natura negotii. *d. coll. 2. §. 13.*

§. 12. Medius autem textus solvitur ex *d. coll. 2. §. 9.*
Est

Est enim ibi certus admetiendi dies præfixus, l. 2. §. ult. eod. eousque ergo videtur venditor recepisse custodiam, adeoque exactissimam eam præstat, juxta d. Coll. 2. §. 9. quod Tu quoque Vir Ampl. statuis *Evolut. ad d. Thes. 41.*

§. 13. Cum ergo inter levem & levissimam culpam gradus differentiam agnoscas, præter quam nihil ulterius requiro, supervacuum videtur alia argumenta addere, aut quæ proposui *disp. 1. sect. 3.* à responsionibus Tuis vindicare: verum, cum visum Tibi fuerit præter ea, quibus differentiam concessisti, alias quoque responsiones aspergere, quibus nonnunquam etiam affers exempla, quæ regulas à nobis traditos videntur destruere, brevibus ea quoque expediam.

§. 14. Est igitur ratio II. (*confer §. 1.*) itidem ex tua confessione. Dixisti *cap. 8. dec. ult. in textibus quibus culpa & diligentia invicem opponuntur, per illam intelligi levem culpam, per hanc, levissimam.* Atqui isti textus asserunt, in aliis contractibus *culpam*, in aliis *diligentiam* præstari: Ergo Te ipso interprete, in aliis præstatur *levis*, in aliis *levissima culpa*.

§. 15. III. Ex §. 3. *vers. Quod si fugerit. Emt. & vend.* quo nihil manifestius: Venditor ibi ex natura negotii dolum & culpam præstat: & additur *in vers. sanè.* si insuper susceperit custodiam, hanc quoque debere præstari ultra priora duo, dolum & culpam: si jam sub culpa illa continetur *levis & levissima*, ut Tu vis, quæro quid sit illud, quod insuper & ultra istam culpam, quæ *levissimam* quoque continet, præstatur. *in d. vers. sanè?* Quid respondebis? Quid potest ultra *levissimam culpam* præstari? Non dicēs casum: nam ipse statuis hunc venditorem, qui custodiam recepit, teneri ad *levissimam culpam.* *Evolut. d. thes. 41.* & expresse custodiam tantum recepit, non casum. *arg. l. 1. §. 35. Depos.* Si ergo hoc, ut ipse sentis, demum est *levissima culpa*, quod ultra culpam, quæ in contractu præstatur, suscipitur, non potuit illa in ipsa culpa contractus jam comprehensa fuisse, §. 16. IV.

§.16. IV. Idem eodem modo ostenditur l. 5. §. 2. *vers. nam quia nulla.* ubi in deposito utriusque causâ contracto præstatur dolus & culpa, quæ, secundum Te, erit etiam levissima. Quid ergo est periculum illud, quod ultra istam culpam, quam levissimam quoque vis, suscipitur & præstatur? Non casus: is enim hoc casu non præstatur? *per text. expr. in d. l. 1. §. 35. Depos.* Quid ergo? Quid est levius levissimâ culpâ? Culpa ergo in tali deposito utriusque causâ contracto necessario duntaxat levis est, ut levissima reservetur alteri casui, quando periculum vel custodiam insuper suscipit.

§.17. V. Ex d. l. 5. §. 2. *in fin. & §. ult. Commod.* ubi itidem præter culpam, quæ in emto, locato, pignore &c. præstatur, & juxta Te, levissima quoque est, dicitur insuper, & ultra culpam istam levissimam, adhuc diligentia præstari. Quenam ergo hæc est diligentia transcendens culpam levissimam?

§.18. VI. Ex l. 54. §. 2. *A. R. D.* ubi quæritur, ad quam culpam teneatur homo liber, qui bona fide servit, si possessori damnum dederit. Et deciditur, cum interim pro servo sit, qui aliàs domino planè non tenetur. l. 1. *C. nox. act. §. 6. eod. l. ult. C. an serv. pro suo fact.* non nisi latam culpam exigî; seu, ut ibi dicitur *graviolem, nec tamen levem, quàm ab extraneo.* En! si ultra culpam levem non daretur alia levior, ut vis, quia sub levi contineri quoque ais levissimam; illa culpa, quæ levissimâ hac gravior est, non esset alia quàm lata; nam duas has species tantum facis. Sed cur ergo additur, *nec tamen levem*? Ex quo manifestè apparet: quòd gravior culpa, quàm ea, quæ ab extraneo (qui in l. Aquilia levissimam culpam præstat. l. 44. *Ad l. Ag.*) præstatur, sit levis, (adeoq; ultra eam sit alia levior) & proinde, ne hæc
G videat-

videatur exigia servo hoc putativo, additum sit à Jcto, *nec tamen levem.*

§.18. VII. Ex §. ult. *Q. m. r. c.* ubi dicitur dubitatum fuisse an *sufficeret* exacta diligentia, & placuisse, ut *sufficeret*. Atqui non potuit vel dubitari vel dici, *sufficere* exactam diligentiam, si nulla alia sit exactior, de qua dubitari potuerit.

§.19. Haftenus nova quædam argumenta proposuimus, quæ sine dubio abundè sufficiunt. Proponam tamen & ea, quæ in *d. disp. 1. sect. 3.* allegavi cum tuis responsionibus, ob jam supra dictam causam. Imum fuit itidem desumptum ex *d. l. 5. §. 2. Commod.* sed alia ratione. Quia sc. expressè distinguitur quoad ipsas præstationes inter commodatum & reliquos contractus, ita ut in his exigatur levis culpa, in illo ultra istam culpam etiam amplius quid; quod proinde nihil aliud esse potest, quàm levissima, distincta à priore, eaque levior.

Respondes I. Ex initio illius §. 2. apparet, quòd solum de duobus, de dolo sc. & culpa, quæstio sit in contractibus &c. Verum 1. Aut mea exemplaria me fallunt, aut Tu falleris: expressè enim lego tria venisse in quæstionem: *utrum 1. dolo, (sunt verba textûs) an & 2. culpa, an verò & 3. omne periculum* (per quod hîc intelligitur levissima culpa, ut patet ex *l. 1. §. 35. Depos.*) *veniat?* 2. Esto: Quid tum? non initium *d. §. 2.* sed finem allegavi, ubi distinguitur inter culpam, quæ in pignore &c. præstatur, & aliam majorem diligentiam, quæ in commodato. Sed ad hoc tamen etiam

Respondes II. *Eadem verba, & diligentiam adhiberi etiam ubi agitur de aliis contractibus. d. l. 14. Pign. l. 23. R. J. l. 3. Per rei vend. l. 25. §. 7. Locat. l. 54. Ac emt. l. 25. §. 16. Fam. etc. & pass.* Ubi verò in ullo horum aut similium textuum invenitur,

nitur, ULTRA CULPAM, in empto, pignore, locato, &c. insuper requiri *diligentiam*; uti hîc in nostro textu? Falsissimum est in ullo eorum id inveniri; uti ex inspectione manifestissimum erit. In omnibus diligentia simpliciter ponitur, in aliis de media, in aliis de maxima agitur. Profer textum in quo, ut hîc, culpa opponitur diligentiae, & ultra culpam præstanda dicitur diligentia in emto, pignore &c. Culpa autem societatis, de qua *in d. l. 23. R. J.* singularis est, uti inter nos constat.

In III^{ta} Responsione concedis differentiam culpæ levis & levissimæ: & color ille, quem subjecis, jam evanuit *sup. §. 7.*

§. 20. Reliqua nihil ad rem faciunt. Id unicum saltem notabo, quod ais inverf. *Sic & in precario. In precario solum lata culpa præstatur. l. 8. §. 3. Prec. & ratio, quæ ibi assignatur, quod scil. totum hoc ex liberalitate descendat ejus, qui precario concessit, etiam applicari posset commodato.* Imò contra: si ratio rectè intelligitur, apparebit, non posse: ratio enim hujus rationis hæc est, quod ex liberalitate nullum jure civili negotium aut obligatio oriatur: *l. 14. Precar. l. 14. §. 11. Furt. l. 18. pr. Donat.* cujusmodi quæ sunt, in iis Prætor tantum dolum & latam culpam coercet. *Collat. 2. §. 25.* Commodatum autem non est mera liberalitas, sed etsi ab initio fuit voluntatis, postea tamen fit necessitatis, & convertitur in præstationes mutuas & actiones civiles, ut dicitur *in l. 17. §. 3. Commod.* & sic fit negotium civile.

§. 21. II. Argumentum hoc erat. Sequeretur eum, cujus solius omnis est utilitas ex contractu; scil. commodatarium, non plus præstiturum, quam cum utriusque est utilitas, ut sunt venditor, conductor, *contra d. l. 5. §. 2. Commod.* nam hæc sola ratio est Jcti, ex cujus norma ac differentia ipse culparum gradus dividit, & uti latam à levi, ita

hanc à levissima distinguit. &c. Respondes: 1. *Hoc nihil absurdi esse patet ex dictis in priore solutione primi argum.* (intelligit leges, quibus abundè satisfactum est §. 11. & 12.) *Et bona hæc esset ratiocinatio, si quæ amplius esset culpa, quæ posset præstari &c.* Cum igitur jam satis ostensum sit, esse adhuc aliam culpam scil. levissimam, manebit ratiocinatio hæc bona.

In resp. 2. iterum concedis differentiam.

§. 22. III. Nec juris nec æquitatis ratio patitur, ut commodatarius, cui mero officio gratis res concessa est, & cujus solius gratià contractus est celebratus, non præstet exactiorem illi rei diligentiam, quam is qui mercedem solvit: Eadem enim ratio, quæ eum cujus solius est utilitas, plus jubet præstare quàm eum, cujus utilitas est cum altero communis, eadem hunc jubet plus præstare, quàm eum cujus planè nulla est utilitas.

Respondes: *Et juris & æqui rationem hoc pati leges allata ostendunt, quibus nondum à Dn. Coccejo satisfactum.* Sunt eadem illæ leges quibus jam §. 11. & 12. satisfactum esse paulò ante diximus. Cæterum rationem nostram nec allegavit, nec ad eam respondit.

§. 23. IV. Culpam societatis diversam esse à culpa commodati (ita enim, Vir Ampl. lectio rectè se habet; non ut suspicaris, cum negatione, nam culpam societatis à reliquis distinguis. *sup. c. 5. dec. ult.*) ipse D. Struvius asserit. Atqui eadem ratio, nim. communis utilitatis. *d. l. 5. §. 2.* etiam reliquos contractus emti &c. inde abstrahit. *Pro responsione iterum leges illas §. 11. & 12. explosas allegas, & concedis rursum differentiam.*

§. 24. V. Ex l. 18. *princ. Commod.* quæ evitari sanè non potest. Primò regula ibi ponitur. *In rebus commodatis talis diligentia præstanda est, qualem quisque diligentissimus paterfam. suis rebus adhibet.* Deinde sequitur limitatio & exceptio *in vers. Hæc ita: Hæc ita, si accipientis gratia*

gratia commodata sit res ; at si utriusque, non dolus duntaxat, sed & culpa præstanda est, sed talis qualis in pignore & rebus dotatibus. En, à præstatione culpæ levissimæ in commodato, excipitur præstatio pignoris, dotis, & ipsius commodati, si utriusque gratiâ factum sit. Ergo non culpa tantum, sed & præstatio culpæ utrobique diversa est. Non enim, ut spero, statues, eandem esse præstationem in regula & exceptione regulæ ; eandemque regulæ & limitationis.

§. 25. Quid respondes ? *Ex aliis legibus id explicandum ais (concessâ tamen iterum sub priore colore differentiâ) & pergis : Quod enim d. l. 18. princ. (ubi regula est) asseritur, idem eisdem ferè verbis traditur de pignore in §. ult. Q. m. r. c. o.*

Hoc i. falsissimum est ; in d. l. 18. pr. expressè diligentia exactissima, & qualem diligentissimus quisque præstat, requiritur : in d. §. ult. sufficit exacta tantum diligentia, quæ media est, idque demonstratur voce, SUFFICERE exactam diligentiam, quâ supponitur, aliam esse exactiorem, quæ hîc non requiratur : Ut taceam 2. etsi hæc verba nonnunquam promiscuè ponerentur, definiri ea tamen debere ex natura negotii. Coll. 2. §. 13. Deniq; 3. an hæc est responsio ad argumentum ? Non verba illa curo ; sed illud quod ab una præstatione, altera in d. l. 18. excipitur ; nec verò idem possit esse regula & exceptio ; non idem regula & limitatio. Ad hoc Tibi respondendum.)

Similiter (pergis) de locatione conductione l. 25. §. 7. locat.

(Rectè : nam & ibi de levissima culpa agitur, quæ in locatione operæ præstatur. §. pen. locat. Collat. 2. §. 8, sed nec hîc respondetur ad argumentum, ceu jam dictum.)

Sensus itaque, (pergis) d. vers. at si utriusque. hic est : Si utriusque gratiâ commodatum initum, ita culpæ siue levis siue levissimæ fiat (arbitrio judicis) æstimatio (non ita pensculata

ne in commodato, quod solius commodantis gratia initum, sed remissius) sicut in rebus pignori datis & dotalibus aestimari solet.

Hæc est responsio Tua. Quin potius ingenuè in ea concedis, Vir Ampl. quæ vides nullo colore evitari posse, quàm ut talibus responsionibus Te exhibeas? Ergone eadem culpa, sive levis sive levissima, potest iterum vel pensiculiùs vel minùs pensiculatè exigi, atque ita, juxta hypothesein Tuam, tum levis tum levissima culpa iterum esse vel levis vel levissima? Nolo plura!

§. 26. VI. Ex §. I. *Obl. quæ q. ex contr. §. 2. Q. m. re contr. l. 1. §. 4. O. A.* Verba sunt hæc: *Nec sufficit ei tantam diligentiam adhibuisse, quantam suis rebus adhibere solet, si modo alius diligentior poterat eam rem custodire*: Ponamus jam patremf. frugi ac bonum, qui rebus suis diligentem curam adhibet; sed finge simul, alium posse saltem esse prudentiorem, uti inter homines sunt perfectionum gradus: non sufficit isti patrif. frugi ac bono in commodato, negotiis gestis &c. si idem præstet in alienis quod suis; sed tantam adhibere curâ debet, quanta à prudentissimo quovis expectari potest: juxta verba expressa *dd. II.* At hoc sufficit isti in emto, pignore, & aliis, in quibus levis culpa præstatur, *per text. expr. in l. 11. Per. rei vend. l. 35. §. 4. contr. emt. l. 10. Adm. tut. l. 14. Pig. act.* Ergo sufficit quædam præstatio in his contractibus, quæ non sufficit in commodato &c.

Respond. II. *Ex his textibus quosdam contrariari regulis, quas tradidi.* Sed hæc non est responsio ad hoc argumentum, verùm ad regulas longè alio in loco traditas: adeoque eam hinc segregabo ad §. seq. Pertinet ergo huc tantum, quod Respondes. 2. *Jam monuimus in solutione præc. argum. quòd eadem ferè verba de aliis quoque contractibus quoad diligentie præstationem legantur.* Cur fingis, Vir Ampl. quæ scis esse

esse falsa. Monstra locum, ubi illa habentur verba in aliis contractibus, *que in princ. h. §.* adduxi. Causa cedam si monstraveris. Responsione 3. concedis iterum differentiam.

§. 27. Affers autem exempla tutelæ & negotiorum gestorum contra regulam, quam tradidi, & quæ habetur in l. 5. §. 2. *Commod.* Quod sc. is, *cujus nulla est utilitas*, uti hic tutor & gestor, *dolum tantum præstat.*

Verum, non tantum istam, sed & aliam regulam tradidi: *quod levissimam culpam præstat, qui operam, artem &c. proficitur aut suscipit*, quod fit negotiorum gestione. *vid. Coll. 2. §. 8.* Hæc regula, utpote specialior, derogat alteri. *per l. 82. R. l. c. 34. cod. in 6.* & quod dicitur, eum, *cujus nulla est utilitas*, dolum tantum præstare, hanc exceptionem habet, nisi ipse diligentiam &c. receperit ac professus fuerit. In tutela cessat hæc ratio, quia tutor non ultrò suscipit, sed subire tenetur. cessat etiam altera ratio ab utilitate, quippe *cujus rationis ratio hæc est, quod is, cujus nulla est utilitas, officium præstat, quod damnosum ipsi esse non debet: Coll. 2. §. 11.* tutor a. officium non præstat, sed ex lege tenetur ad tutelam.

§. 28. VII. *Ex l. 47. §. pen. leg. 1.* ubi expressè tres distinctæ species referuntur, & de singulis dubitatur ac seorsim deciditur. Ad hoc tribus responsionibus nihil respondes: Nam prima responsio concedit differentiam gradus. Secunda oppugnat iterum regulam aliquam. Tertia ex hac falsa impugnatione pro tua sententia in genere concludit: quorum nihil huc pertinet. Manet ergo argumentum & differentia ex d. l.

§. 29. Frustra autem statuis, illud exemplum hæredis, qui, etsi utriusque saltem sit utilitas, levissimam tamen culpam præstat *ex l. 47. §. pen. leg. 1.* contrariari itidem regulis utilitatis. Nam hujus quoque dubii solutio æquè facilis est ac prior. Hæres enim, qui aditione ista causam totius

tius hereditatis & universa negotia hereditaria suscipit, similis est negotiorum gestori, adeoque in rebus legatariorum & s. levissimam culpam præstat, *juxta d. l. 47. §. pen. Leg. 1.* secus si rogatus sit hereditatem restituere; tunc enim uti hæres, ita gestor cum effectu non est, adeoque lata tantum culpa præstat. *l. 22. §. 3. Ad Treb.* Secus item, si à fideicommissariis & legatariis aliquid relictum: in his enim cessat illa ratio additionis & susceptionis negotiorum, adeoque succedit ratio utilitatis; & de his agit *d. l. 108. §. 12.* Nihil ergo in his est pugnae, ut putabas.

§. 30. VIII. Ex *l. 3. §. 1. Naut. stat.* ubi cum esset actio locati civilis, adeoque edictum hoc inutile videretur, ex hac causa id utile dicit Jctus, quia ultra culpam, quæ in locato præstat, in hoc edicto alia adhuc exigitur adeoque levissima.

Respondes: Pomponius in ista lege nullo verbo decidit, quod plus sit in edicto isto quoad gradum culpa, sed ut expressa & sole meridiano clariora sunt verba: hoc edicto omnimodo, qui recepit, tenetur, etiam si sine culpa (sive lata, sive levi, sive levissima) ejus, qui recepit, (propter quam solum competeret actio depositi vel locati) est culpa nautarum & viatorum res perit: *arg. l. 1. §. ult. eod.*

Verum, inspicere hæc Jcti priora verba, qui edictum ideo utile esse dicit, quia in locato culpa, in deposito dolus duntaxat præstat, at hoc edicto OMNIMODO, qui recepit, tenetur. En! cui vox omnimodo hic opponitur? Nonne aliis gradibus culpa? Expresse vides distinctos tres gradus invicem oppositos; DOLUM in deposito; CULPAM in locato, OMNIMODAM præstationem in hoc edicto: & ergo culpa in locato non continet omnimodam præstationem; quia illi opponitur; & in hoc edicto plus præstat, quam in locato, quia omnem continet præstationem, locatio vero non

rò non omnem, hætenus enim ab invicem separantur. Vides quoque ex hac oppositione edictum ideo utile, quia levior in eo culpa præstatur, quàm in reliquis: Cur enim actio depositi & locati non obstat, quò minùs etiam hoc edictum utile sit? respondet Jctus, quia in iis *dolus duntaxat, vel culpa præstatur*: non ait, ut Tu vis, *quia in iis CULPA tantum EJUS QUI RECIPIT præstatur*, hìc etiam ALIORUM: sed NB. *quia in iis CULPAM VEL DOLUM DUNTAXAT recipiens præstat*, hìc OMNIMODO *re-*
netur.

Quomodo jam sequentia verba *vers. etiamsi &c.* intelligantur, ad summam hujus rei nihil refert: sive enim tuo sensu accipias, ita: *etiamsi sine culpa* etiam levissima *ejus qui recipit*, sed culpa aliorum *perierit*: sive meo, ita: *etiamsi sine ejus, qui recipit, culpa*, nim. illa, quam in locato præstari jamjam dixerat, scil. *levi. perierit*; hætenus nihil impedit: priorum enim verborum sensus utrobique integer manet.

§. 31. Sed nec ea tamen verba, quæ sequuntur, rectè explicas: I. Dicis enim, quòd recipiens teneatur, *etiamsi sine culpa ejus*, etiam levissima, perierit. An ergo potest quisnam teneri ultra culpam levissimam? An teneri potest is, cujus nulla, nec levissima quidem est culpa? Ex quo capite ergo? Necessum est vel teneri eum ex aliqua sua culpa, vel ex casu: illud Tu negas, hoc Jctus, *in d. l. 3. §. 1. in fin.* ubi negat ex casu eum teneri.

§. 32. Et, II. si rectè perpendis, quomodo præstatio in illo edicto opponatur reliquis præstationibus depositi & locati, apparebit, uti in his intelligitur culpa & dolus solius recipientis, ita & intelligi in edicto. Concedis equidem *infr. cap. 27. dec. ult. ad obj. 2. quòd differentia inter locationem & hoc edictum proponatur*, sed quòd illa non consistat in gradibus

H

culpa

culpa præstanda; sed in eo, quod NB. in illa solum præstetur culpa propria; in hoc etiam aliorum.

Sed contrarium dabit inspectio ipsa: Tu differre dicis, quod *in locato culpa propria, in edicto culpa aliorum quoque præstetur.* Lex vero ita differre ait, quod *in locato ad culpam; in edicto omnimodo teneatur.* Ubi hic distinctio inter culpam propriam & aliorum? Ubi in locato hic dicitur præstari tantum culpa propria, ut Tu fingis?

§. 33. Sed III. nec ideo valet explicatio illa, quia ad culpam aliorum etiam ex locato quis tenetur. *l. ii. princ. Locat.* adeoque in eo non differt ab hoc edicto. Respondes *d. c. 27. dec. ult.* Ipsa hæc lex aperte confirmat nostram sententiam, cum non aliena sed propria culpa in locato attendi dicatur. Qui audes hoc asserere? Verba legis hæc sunt: *Mihi placet, ut culpam ETIAM EORUM, quos induxit, præstet suo nomine.* Hic locator dicitur præstare culpam aliorum, quos induxit: Tu dicis culpam aliorum ibi non attendi. Quæ magis invicem possent contrariari?

§. 34. Et quid ex verbis illis colligis: *si tamen culpam in inducendis admisit?* Nemo enim culpam alterius præstat, nisi propria sit conjuncta, & ipsi aliquid imputari possit, v. g. quod tales adhibeat servos. *l. ult. §. 4. Naut. caup.* quod tales induxerit, sive suos sive hospites. *d. l. ii. pr.* & sic in nostro casu, Nautæ culpa est, quod tales viatores induxerit, nec tamen contra eos rem receptam melius custodiverit: *arg. d. l. ii.*

§. 35. Nec illud verum est, quod ais *d. dec. ult.* me reprehendisse, quod verba *d. l. 3. §. i. si sine culpa ejus,* explicaveris *sine culpa ejus, sed culpa suorum;* cum dixeris *culpam aliorum.* Non hoc reprehendi, sed quod culpam aliorum, e. g. suorum vel quos secum in navi habet, opponis culpæ, quæ in locato præstatur, cum hæc itidem extendatur ad culpam aliorum: quod jam satis ostensum.

§. 36.

§. 36. Multò minùs verum est, quod sequitur *d. dec. ult. juxta meam mentem requiri levissimam culpam, ut huic actioni locus sit.* Nunquam id mentis fui: sed dixi præstari in ea non tantum levem, sed & levissimam culpam. Quid autem quæris: *Cur ergo opus est hoc edicto?* Ideo sc. ut & levissima culpa vindicari possit, quæ aliàs non poterat: ut satis jam ostensum.

§. 37. Denique ais in *cap. 11. dec. ult. Observari debuisse D. Coccejus pronomen ejus & relativum qui, quod excludit culpam recipientis, & respicit culpam aliorum.* Egregia observatio: Non relativum *qui*, sed vox *sine* illi juncta culpam levem excludit recipientis, neutra autem alterius culpam respicit. Sic non sequitur: Feci hoc sine ope Titii ejus qui hodie mihi adfuit. Ergo feci ope alterius: poteram enim sine ullius ope id fecisse.

COLLATIO XII.

Ad cap. 11. Dec. ult. vers. Porrò idem.

Ubi miscellanea quedam.

§. 1. Desideravi distinctionem culpæ in abstracto & concreto, prout Dd. nonnulli loquuntur. Tu eam inepta *λεπτολογήματα* vocas. Verum ita Tu ipsam legem ineptæ *λεπτολογίας* ream facis: aperte enim ea habetur in l. 32. *Depos.* ubi ita inquit Ictus: *Si quis non ad eum modum, quem HOMINUM NATURA desiderat diligens est, nisi tamen ad SUUM modum, &c.* En duplicem culpam seu negligentiam: altera, quæ exigitur ad modum *communem hominum*, in genere & quasi in abstracto; altera ad modum *ipsius depositarii* in concreto. &, quacunque voce appelles, nihil aliud Dd. intelligunt.

H 2

§. 2. No-

§. 2. Notavi itidem, quod habetur *Exerc. ad Pand. 19. §. 24. n. 1.* Tu verò ais: *Non me attendisse rectè, Te recensere ibi communem &c.* Sed ideo id refutavi, quia ne quidem ex hypothefi fententiæ communis rectè id retuliffe videris. Communiter enim, ut quis immunis fit à levi culpa, requiritur diligentia media; Tu verò hoc casu, sc. quo quis in suis est parùm diligens, sufficere hanc minimam quoque diligentiam in alienis, asseris.

§. 3. Porro notabam quod dicitur *d. Exerc. 19. §. 24. n. 2.* quia id non esset levis sed lata culpa, *per text. expr. in l. 32. Depos.* Tædiosum verò est, ad omnia illa minutula, quæ hic reponis, respondere. Dicis 1. *Non esse regulam extendendam contra mentem Celsi;* Unde verò Tibi constat de mente Celsi, nisi ex verbis, quæ hic sunt generalia; & tuum esset probare quæ excipis. Dicis 2. *Ita sufficeret in omnibus contractibus latam culpam præstare, seu non minorem curam alienis rebus, quàm suis adhibere:* Idem etiam repetis §. seq. manifesto errore: confundis utrobiq; hæc duo: *si quis eandem curam alienis adhibet, quàm ipse suis;* quod, nî fiat, est lata culpa *per l. 32. Depos.* Et; *si eandem curam alienis adhibet, quàm bonus paterf. suis:* quod nisi fiat, est levis culpa: & de hac loquitur Gajus allegatus in *l. 35. §. 4. Contr. emit.* Illa est culpa in concreto, hæc in abstracto, seu, si à voce abhorres, juxta naturam hominum in communi definita. *Vid. diss. 1. pass.* Ut mirer tam manifestos errores adeò confiderenter edisseri.

§. 4. Dicis 3. *Id, quod statueram, in d. l. 32. non agi de eo, qui res suas servet, refutari his expressis verbis. Ad suum modum curam præstare.* Verum id ibi est negligenter gerere: loquitur enim de *parum diligente*, seu *negligente*, qui tamen ne quidem hanc diligentiam minimam in alienis præstat. Dicis 4. *Cavillationem esse, quod negavi, in d. l. 32. esse casum,*
quo

quo quis aliena negligit, sua curat, sed eam, quo quis aliena magis, quam sua negligit. Verum maxima hic differentia est; prorsus enim aliena negligere, & nullo modo curare velle, est verus dolus, qui continet animum lœdendi. *Coll. 2. §. 19.*

§. 5. Hinc dicis §. *Longè melius Coccejo hanc rem exponit Nic. Burgundus:* ejusque locum longa serie refers, nec ego jam repeto. Equidem non invideo Burgundo. Verum Tu multa hic peccas. Iterum enim judicem induis, cum magis etiam hic suspectus sis, non modò in propria causa, & quia Te ingeris, sed & quòd laudas consortem causæ Tuæ, ut ipse addis, *propius nobis accedens.* Sed & profectò in toto hoc loco (exceptis, quæ de dote dicit, & nec Tu statuis) idem, quod ego, asserit, à Te verò magis diversus. Adeò jam iniquus es, tum in me, quòd laudem, quàm Burgundo tribuis, in pari causa mihi eripis; tum in Te, quòd contra Te verba facis, adversarium laudando.

COLLATIO XIII.

Ad cap. 17. dec. 29.

Quibus casibus lata culpa comparetur dolo?

§. 1. Quàm vulgatum est in jure, *culpam latam dolo contineri*, tam certum est, non semper hoc fieri; tamque incertum quibus casibus id fiat: unde multi pro arbitrio sine autoritate legum exceptiones sibi fingunt, & ut onus probandi declinent, regulæ statum immutant, inter quos etiam est Ampl. Adversarius noster, qui ad contractus regulam id restringit. Ut igitur eò tutius hac in re progrediamur, & effugiendi vias occupemus, pauca præmittimus.

§. 2. Primò quidem supponimus vulgatissimum illud: Legem generaliter loquentem tamdiu generaliter intelligendam, donec appareat restrictio; & regulæ tamdiu standum

H 3

dum donec probetur exceptio, vel ex alia lege, vel ex ipsius legis aliave ratione solida. Illa enim lex & regula jam ex verbis apparet, restrictio autem ipsius, antequam probetur, nondum apparet, sed ostendenda est. *l. 1. §. 1. Leg. prest. adeo*, ut verbis generalibus, si ambigua non sunt, insistendum sit, etsi dura sit sententia. *l. 12. §. 1. Qui & quib. & Da. vulgariss.*

§. 3. Hæc jam regula generalissimè traditur in *l. 226. V. S. Magna negligentia culpa est*, MAGNA CULPA DOLUS. Sed & in omnibus cæteris locis generaliter hæc regula effertur. Nec quicquam ipsius generalitati detrahit, quod referatur sæpius in materiis contractuum: inde enim non restringitur ad contractus, quia ratio generalior est ipsa materiâ cui applicatur. Sed nec refertur hæc regula tantum generaliter in contractibus. *l. 1. §. 5. O. A. l. 1. C. dep. l. 32. ff. eod. l. 2. §. 5. Har. vend. &c.* Sed & in delictis. *l. 1. §. 2. junct. §. ult. Si is, qui test. lib.* item in interdictis. *l. 8. §. 3. Precar. solutionibus l. 29. pr. Mandat. & aliis negotiis, quæ restitutione damni dolum puniunt. l. 1. §. 1. Si mens. fal. mod. &c. conf. Coll. 2. §. 21. & disp. 3. §. 7. & 13.* Huic ergo generalitati tamdiu insistendum erit, donec appareant exceptiones.

§. 4. Tales jam exceptiones inveniuntur 1. In lege Cornelia de sicariis. *l. 7. Sicar.* & cum nulla ibi sit ratio specialis, sed ratio malitiæ, quæ in criminibus spectatur, cæteris sit communis, rectè ad cætera quoque crimina ex similitudine rationis id extenditur. (2.) In delictis privatis, in quibus malitia seu animus delinquendi punitur, uti furtum, §. 7. *Obl. q. ex del. injuria l. 31. §. 1. Injur. Vis. l. 2. §. 4. Vi bon. rapt. &c.* cum enim hæc sit pœna malitiæ, utpote quæ jure civili regulariter tantum punitur, *Coll. 2. §. 14. & 17.* in latam culpam pœna illa non competit. Secus igitur in delictis, in quibus agitur ad damni restitutionem, quæ omnino facienda est, etiam

et si non per malitiam, sed negligentiam aut imperitiam damnum sit datum, ne alterius delicta alteri damnosa sit: unde et si sub ista restitutione damni aliquid pœnæ quoque contineatur, hoc tamen sequitur naturam principalis. *l. 1. §. 2. Si is qui test. arg. c. 42. R. l. in 6.* Esse tamen delicta, quæ suâ naturâ malitiam continent, nec culpam latam admittant diximus *Coll. 2. §.*

§. 5. Referuntur & aliæ nonnullæ exceptiones, verum cum dubiæ sint, videndum, ut legibus probentur. Conferamus ergo ordine breviter quæstiones, ad quas Tu respondes.

Q. 1. An restitutio minoris non tantum ob dolum, sed & ob latam culpam impediatur, ut hoc effectu lata culpa quoque dolus sit:

§. 6. Affirm. tum per §. 4. n. 2. quia agitur de damni restitutione: tum per §. 3. quia nullibi probatur hæc exceptio. Rationes aliæ sunt (1.) Quia in lata culpa est propositum quoddam & animus: quod autem minor animo seu proposito committit, restitutionem non meretur. *l. 1. C. si adv. del. (2)* Quia jura tantum minori erranti subveniunt: *l. 2. C. si min. se maj.* non est autem error in eo, quod fit animo & proposito; error enim consensum excludit. *l. 99. l. 116. R. l. l. 2. pr. Judic. (3)* Quia animus committendi minorem facit majorem, *l. 3. C. si min. se maj.* nec potest ætatis lubrico lapsus dici, qui consilio usus est; & cum ergo lata culpa consilio quodam præcedente committatur cessat in ea restitutio ob ætatis imprudentiam.

§. 7. Respondes: *Hæ tres ratiuncule innituntur falsæ hypothese, in lata culpa esse propositum, quam superius refutavimus. cap. 5. dec. 8. c. 6. dec. ult.* Egregia refutatio! illa sc. quâ dixeras, omni juri ac rationi id repugnare, nec ramen ullam rationem adduxeras. *sup. Coll. 5.* Cum ergo illa hypothesis *in d. Col 5.* solidissimè sit demonstrata, hæ tres rationes tam firmiter subsistunt quàm ipsa hypothesis.

§. 8. 4. Quis

§.8. 4. Quis dicet, restituendum esse minorem, qui ramo in publicum dejecto aliquem occidit, si postea prætenderet, se nescivisse hominem in publico transiturum fuisse? Atqui id lata culpa est. *l. 7. Sicar.*

§.9. Respondes 1. *Utique aliqua venia (saltem ad mitigandam pœnam dabitur minori;* Non agitur de pœnæ mitigatione, sed in integrum restitutione. Respondes 2. *Pertinet hic casus ad delicta, in quibus restitutio locum non habet. l. 37.*

§.1. *Minor.* Imò in delicto legis Aquiliæ, ex qua hunc casum refero, §. 5. *leg. Aquil.* habet locum restitutio, ut notum est, quia etiam levis & levissima culpa, seu imprudentia ibi præstat. Respondes 3. *Imò ipse Coccejus admittit, latam culpam in delictis non comprehendi sub dolo. thes. 7. quomodo ergo quoad restitutionem tali casu continebitur?* Quin contrà: in iis delictis, in quibus ad damni restitutionem agitur, dixi latam culpam contineri sub dolo, idque ostendi *disp. 3. thes. 13. Vid. sup. §. 4.*

§.10. Pergis: *Frivolum porrò idem Dn. Coccejus scribit objicere l. 9. §. pen. Minor. l. 1. l. 2. C. si adv. del. &c. At nullam rationem addit.* Quia videl. hæc in proptulo est: urgetur, quòd in dd. Ll. tantum *doli* mentio fiat: at idem plerumque fit in contractibus, addita etiam voce, *duntaxat* &c. ut notum, & tamen dolo ibi æquiparatur lata culpa. *per. §. 3.*

Q. 2. *An lata culpa dolo comparetur in mala fide inducenda?*

§.11. Affirm. Quia & hic agitur de restitutione damni, neque exceptio ullo modo probatur. Aliam rationem dedi *disp. 3. §. 9.* Quia lata culpa salva fide non committitur. *l. 32. Depos.* non tantum ergo dolus, sed & lata culpa aliquem in mala fide constituit, quia est quædam perfidiæ species: & hæc igitur dolo comparatur.

§.12. Respondes 1. *Loquitur lex de materia contractuum*

Etiam: (Malè: nam ratio tamen generaliter loquitur. *Vid. sup. §. 3.*) *alioquin* (pergis) *nullo non casu ac in delictis quoque lata culpa esset perfidia.* Exceptiones esse in criminibus & delictis pœnalibus notum est, & ostendi *sup. §. 4.*

Respondes (2) *Est lusus in verbis:* salva fide: quippe *que ibi notant fidelem curam & diligentiam fideliter adhibendam* (Refutaris apertè ex d. l. verbis: *fraude non caret.* quibus idē ibi significatur, quod postea verbis: *salva fide non fit.*) *In verbis autem:* (pergis) malæ fidei possessor: *respicitur scientia rem esse alienam, quam non inducit lata culpa. per l. 25. §. 6. Her. pet. ubi qui errore putat rem esse propriam, non esse in dolo seu mala fide dicitur.*

(Quid tum? error, etiam juris, non facit latam culpam: ab illo enim excusat sexus, ætas, rusticitas; quæ ab hac non excusant, *Coll. 5. §. 5.* Item: *in d. l. 25. §. 6.* agitur de errore qui dolo caret; verb. *qui dolo caret.* Atqui lata culpa dolo seu fraude non caret. *per text. expr. in l. 32. Depos. verb. fraude non caret.* Quid certius?)

Idq̃. obtinet, (pergis) *tum ratione prædonis (ad quem non rectè id restringit Coccejus) tum ratione simplicis malæ fidei possessoris.* Mecum id restringit ad prædones] *Itus in d. l. 25. §. 3.* *cujus verba sunt; loquitur senatus de prædonibus: id est, de his, qui NB. in vaserunt bona; cum NB. nullam causam haberent possidendi.* Hæccine Tu putas convenire posse simplici malæ fidei?

Q. 3. an in causa infamia lata culpa comparetur dolo?

§. 13. Affirm. quando sc. infamia jungitur damni restitutionibus; quia & hic eadem ratio, nec ullibi exceptio est. *§. 3. 4.* cui addi potest, quod infamia hoc casu sequatur conditionem causæ, cui accedit, & in qua lata culpa pro dolo est. Rationes, quas adduxi *d. disp. 3.* sunt hæ. (1.) Ex Cicer. pro S. Roscio: ubi expressè hoc dicitur. *Vid. inf. §. 18.* *Respondes.* *Cicero eam sententiam proponit, ad exaggerandam oratorio more causam suam.* Sed non est sanè mos Oratorius falsa proponere. Conceditur ergo hoc dixisse Ciceronem,

I

qui

qui sine dubio in confesso iudicum juris peritorum, non hoc tanquam indubium & à majoribus certo jure constitutum afferuillet, si id falsum fuisset.

§. 14. (2) Per l. 7. §. 1. *Susp. tut.* ex qua triplici argumento evidentissimè hoc deduxi: quæ brevitatis causâ non repeto. Responsiunculæ autem, *quæ iis subjiciuntur, nituntur falsa hypothesis, tutorem propter levem culpam non removeri:* cum autem expressè hoc dicatur in l. 3. §. fin. l. 4. *Susp. tut.* §. 6. eod. ubi agitur de culpa dolo opposita, quæ regulariter est levis; tuum jam est probare, si quam hic exceptionem putas.

§. 15. 3. Ad tertium argumentum ut appareat quàm malè sit responsum, ignosces, Vir Ampl. si aliter, quàm in legum foro decebat, ubi ratio sufficit, formæ nos adstrinxero. Eatalis est; *Quando in contractibus doli fit mentio, sub dolo continetur lata culpa.* Hoc Tu adeò fateris, ut totam quoque regulam ad contractus restringas. cap. 20. dec. 14. & pass. *Ast quando depositi, mandati &c. condemnatus ob DOLUM infamis dicitur, in contractibus DOLI fit mentio:* ut patet. *Igitur quando depositi, mandati &c. condemnatus ob dolum infamis dicitur, sub dolo continetur lata culpa.* Hic Tu præmissa concedis, & negas conclusionem; ita enim respondes: *Non quilibet condemnatus depositi, mandati, fit infamis, sed tantum ob dolum.* l. 6. §. fin. *His qui not.* Atqui in mea conclusione est, id fieri. Et tamen dicis more vulgato, *principium peti.*

§. 16. 4. Quod perfidiâ non caret, infamiam importat. *arg. d. l. 6. §. ult.* Lata autem culpa non caret perfidiâ. l. 32. *Depos.* Respondes: *Perfidia in d. l. 6. §. fin. His qui not. significat dolum propriè dictum;* Falsum hoc: nec sufficit pro autoritate, quid significet, dicere. *Perfidia æquè generalibus verbis vocatur in d. l. 6. §. ult. ac in d. l. 32.* Doce ergo cur strictiùs intelligenda sit in illa, quàm in hac. Ego interim contrarium docebo *inf. §. 19. in fin.*

§. 17.

§. 17. 5. Per l. 21. C. mand. Respondes *Tu quidem, duo ibi proponi. 1. In mandato esse existimationis periculum. 2. In re aliena nihil neglectum culpā vacuum esse. Et prius tantum intelligendum de dolo. Sed hoc manifeste refutatur ex d. l. 21. ubi expressissime existimationis periculum imminet propter culpam. Primum enim dicitur: In re mandata existimationis periculum est: Deinde additur ratio: quia nihil in re aliena neglectum culpā vacuum est. Vides ergo periculi existimationis causam & rationem hic esse CULPAM; doli autem nullam planē in d. l. fieri mentionem. Ita, inquis, etiam ob culpam levem & levissimam infamia nasceretur. Resp. Equidem, si lege contrarium in his culpis posset ostendi, exinde restringendum esset quod hic in genere de culpa dicitur. Verum quid si in levissima quoque culpa idem statuamus, de quo supra Coll. 8. §. 6. jam dubitare cœpimus: eritque id nobis jam*

Q. 4. An in mandato tantum ob dolum infamia & perfidia contrahatur, an verò ob levissimam quoque culpam?

§. 18. Poster. affirm. 1. Quia in negotiis huiusmodi, quæ alius pro alio gerit, utrinque tacite saltem fides fit, quam alter suscipit, alter sequitur. per l. 6. §. 6. *Hu qui not. ubi adversarius dicitur sequi fidem alterius, sive quam alter suscepit. Quacunque ergo culpā fidem hanc susceptam alter non præstat, perfidia est, quia verum est, fidem susceptam non fuisse præstitam: quod itidem patet ex d. l. 6. §. 6. verb. u qui fidem non præstat. 2. Ex l. 1. eod. ubi infamiam notatur, qui pro socio, tutela, mandati, depositi suo nomine damnatus erit. Ubi non video, quo jure his verbis edicti sine ulla auctoritate addatur vox dolo, quæ nec in edicto, nec in ejus explicatione habetur: nam & in d. l. 6. §. 6. absolute dicitur, Mandati si te condemnvero, famosum facio. Imò in l. 7. eod. ipsæ hæ actiones dicuntur famosæ: non ergo dolus tantum in actione. 3. Ex d. l. 21. C. mand. ubi existimatio propter culpam simpliciter periclitari dicitur, nec alibi ulla species culpæ excipitur. Vid. §. præc. 4. Ex l. 11. §. ult. Hu qui not. ubi ignorantia juris notatur, quam tamen nequidem latam culpam esse ostensum. Coll. XI. §. II. 5. Apertissime Cicero pro S. Rosc. ait: Qui rem gesserit NEGLIGENTIUS, cum maiores summum DEDECUS admisisse existimabant: itaque mandati constitutum est iudicium non minus TURPE, quam furti. Et mox: Ergo idcirco TURPIS hæ CULPA est, quod duas res sanctissimas VIOLAT, amicitiam & FIDEM. Et deinde: In minimis rebus NEGLIGENTIA in iudicii INFAMIAM revocatur. Et alia similia addit, quibus utique nihil clarius.*

§. 19. Vnicum contrariæ sententiæ fundamentum est in l. 6. §.

l. 2

ult.

ult. His qui not. inf. Verum id nihil aduersatur, sed magis probat. Dixi enim §. *prac.* perfidiam esse ejus, qui fidem suscipit, si quacunque culpa non implet, quod suscepit. Mandans autem, v. g. qui contrariam actionem habet, non suscipit fidem, adeoque nec fidem quam nullam suscepit, frangere potest, sed sequitur fidem alterius. *d. l. 6. §. 6.* Et hinc, si forte aliquo casu suscipit, ipse quoque fit perfidus. *d. l. 6. §. 6.*

Q. 5. An uti qui dolo amisit pro possessore habetur, ita & qui lata culpa, ut hic quoque hac illi comparetur?

§. 20. Affirm. nam nec hic exceptio probatur. §. 3. & de damno agitur. §. 4. n. 2. Dixerat Exerc. 17. th. 65. nulli bi id legi. Opposui textus & rationes i. l. 5. §. 5. *junct.* §. 15. *Vt in poss. leg.* Respondes. Dixisse Te hoc de actione in rem. Hic autem specialem esse rationem, eo quod censeatur missio etiam facta in res lata culpa habere amissus, quia finguntur in hereditate mansisse. Imò hæc, quam dicis, est ipsa illa ratio, quod lata culpa quoque pro possessione sit; & per eam fingatur res adhuc ab hereditate quasi possideri. Nulla ergo ratio hic est specialis Te ipso testante.

§. 21. 2. L. 63. R. V. si culpa non fraude quis amisit possessionem aestimatio debetur. *junct.* l. 2. C. in lit. jur. Respondes. Principium peti; hoc ipsum enim queri, an in d. l. 63. lata culpa sub fraude contineatur. Non fuit principium hoc in d. l. 63. latam culpam sub fraude contineri; sed conclusio: quam proinde iterum malè negas; ad præmissas enim respondendum. Principium autem fuit, quod propter culpam in d. l. 63. tantum res aestimatur, quod secus est in lata culpa, ob quam juratur in litem d. l. 2. & hinc ergo conclusi, latam culpam non contineri in d. l. 63. voce culpa, sed fraudis: quæ conclusio, ut sæpius facis, non est neganda, sed ad ejus rationes ac præmissas respondendum. Dicis: in d. l. 2. non agi de actione in rem: Agitur ibi de actione ad exhibendum; in qua eadem ratio, quæ in rei vindicatione, sc. quam Tu ipse mox affers ad arg. V. Verum de eo *Vid. quest. seq.*

§. 22. 3. L. 68. *vers. si vero.* R. V. *junct. verb.* Hæc sententia generalis est. Respondes: est generalis, ut ob dolum in litem juretur, non ut ob culpam latam. Verum, regula, doli pro possessione est, ibi communiter applicatur actionibus in rem & personam, & additur, generale hoc omnibus esse: cum igitur constet, in hac regula dolo latam culpam inesse quoad actiones personales, & simpliciter actiones reales jungantur; tam diu idem vocis doli sensus quoad utrasque servandus est, sc. ut latam culpam contineat, donec à Te probetur diversitas.

§. 23. 4. L.

§. 23. 4. L. 8. §. 3. *Precar.* Respondes: *Pertinet ad contractus.* Falsum, per l. 14. *cod.* pertinet ad interdicta. 5. Nulla differentie ratio est inter hunc & reliquos casus. Respondes: *Peculiarem fidem alter alteri contrahenti promittit; secus in possessore, à quo res petitur.* Falsa ratio, quæ non obtinet in delicto *si is qui test. lib. &c.* non in actione ad exhib. l. 2. *C. in lit. jur.* non in interdicto precarii. l. 8. §. 3. *Prec.* non in reliquis, de quibus *disp. 3. §. 13.* Sed & nihil concludit hæ ratio. 6. Standum est regulæ generali. Respondes: *Negamus hanc regulam generalem, quippe quæ nullo textu probatur.* Vide l. 226. *V. S. MAGNA CULPA DOLVS EST, & sup. §. 3.*

Q. 6. *An non modo ob dolum, sed & ob latam culpam juretur in litem.*
Ad cap. 20. *dec. 24.*

§. 24. Aff. ob easdem rationes generales §. 3. & Præterea 1. Quia vel non vult restituere, & huc non pertinet, vel non potest, re dolo amissa, & hoc casu latam culpam pro dolo esse probatum quæst. præc. Dicis; *non esse id probatum ut ostenderit c. 17. dec. ult.* Quam inanes verò sint illæ responsiones patet ex *quæst. præc. 5.* An autem Tu probasti? Tibi tamen incumbere probatio, juxta §. 2. & 3.

§. 24. 2. Ex l. 2. *C. in lit. jur.* quæ frustra restringitur ad contractus, cum sit eadem ratio. Respondes. *Ratio diversa est: possessor, qui desit possidere, non restituit, quia ex sola possessione tenetur: debitor ex vinculo personali & promissione &c.* Hoc verè est principium petere; falsum est, quod possessor ex sola possessione tenetur, si enim dolo desit possidere, tenetur ex dolo ac si possideret, utili actione reali, non verò ex possessione; idem ergo fieri potest, si lata culpâ definat possidere: idq; certo jure fit in actione ad exhibendum. l. 2. *C. in lit. jur.* Falsum etiam, quod debitor ex promissione debeat; ad id enim, ut in litem juretur, tenetur itidem ex dolo; adeoque eadem patet utrobique ratio. 3. Ratio eadem, quia in culpa quoque propositum est. Ais: *Explosa illa est. c. 5. dec. 8. &c.* Scilicet, nulla ratione adducta, nudo verbo, eo que satis refutato. Egregia explosio!

§. 26. Ratio 4. (Regulæ standum) abunde à Tua responsione liberata est *quæst. præc.* Vti & l. 68. *R. V.* Dicis. 1. *Non esse regulam, latam culpam pro dolo esse:* sed vide l. 226. *V. S. MAGNA CULPA DOLVS EST.* Dicis, 2. *quod in alia materia textus non occurrat ullus, in quo lata culpa pro dolo sit.* Sed vide l. 1. §. 2. *Si is qui test.* ubi lata culpa pro dolo est; & tamen ibi in eum delictum est. d. l. 1. §. ult. *verb. cum ex delicto convenientur, exemplo furii.* vide alia §. 3.

§. 27. Quæ dicis cap. 27. *dec. ult.* refutata sunt *soll. XI. §. 32. & seqq.*

P E R O R A T I O

A D V I R U M A M P L I S S I M U M.

Colophonem jam contentioni nostræ addo, nondum collationi. Geminum sc. quo præcipuè hæc materia fatiscēbat, hiatum offendimus. Et culpam quidem illam *πεποι-
σμένην*, hæctenus ignotam, tot jam evidentes leges loquuntur, quibus nihil repositum invenio. Singularem deinde in societate culpam deprehendi, & (quod magis lætor) deprehenderunt quoque pauci illi, quos sequeris. Quid enim evidentiùs unquam monstratum, quàm hæc in tritissima *l. 23. R.* Verùm quanta est in ea suffragii nostri unanimitas, tanta est in ejus explicatione & reliquorum applicatione discordia. Diversam hìc viam ingredimur. Vos, confusa invititis tot textibus, culpâ levi ac levissimâ; quòd Tu quoque, Vir Ampl. verbis sequeris; re (penitiùs eam intuitus) improbas. Ego, contemperatâ culpâ societatis cum lata, sic ut diversa tamen maneat, salvo cætera omnia fori calculo, eoquē juri-
rium & rationum consensu atq; applausu, quem nemo unus penitiùs perspexerit quàm Tu. Vacent hæc dicta ambitione, uti animus vacat:

Age vero, separemus, si placet, nos à causa nostra; quod mihi utiq; facere & volupe & necesse est; nam causâ, si quid paulò liberius scripsero, necessitati, si quid veriùs, justitiæ tribuam; neutrum mihi. Nec enim adedò oblitus sum aut Tui, ut dignum Te acriore calamo putem; aut mei, ut ingenio meo vindicem, si quid veritatis obtinuerò. Vtrumque causâ & vitium est & virtus. Facilius ergo & illud excusationem merebitur, & hæc assensum. Equidem quò materia hæc magis est trita, eò majus hac arena operæ precium tulisse nos arbitror, si, quæ nexum ejus hiulcabat, lacuna expleta, & hoc congressu illustrata fuerit. Si quæ porro monenda putas, non modò conferre Tecum, voluptati, sed & cedere Tibi, si salva veritate potero, gloriæ mihi erit; dummodo iniquitas calamo Tuo aberit, uti abest moribus Tuis. Vale Vir. Ampl. & proluxa felicissimaque senectute ad splendorem Athenarum vestrarum, totiusque reip. literariæ utere.

ERRATA. p. 1. lin. 17. dele *doctrina* 1. p. 3. lin. 8. lege penitus. p. 16. lin. 6. post *comm.* 7. interfere, *omnes culparum anomalias.* p. 29. lin. 18. lege *fuit* p. 31. lin. 22. lege *præstetur.* Reliqua humanitas lectoris corriget.

2. 6. 1

